


罪
惟
錄



罪惟錄列傳卷之五

翼運王國傳列總論

漢因楚起項羽為漢弑楚義帝明因宋起張士誠為明殺宋
 之劉福通倖也明非濠州釋縛亭邑分符即安得佛子
 大主運然福通而在勢必擠左副元帥俾不得獨制金陵
 郭滁陽而在半道邀鴆之計不行走數字符朱公子立致
 戲下惟吾命矣劉殉安豐郭殞和陽則前此扶將長養之
 功而不可沒二三等之陳張輩之互逐豈非忘明之所由
 肇造也祖之於宋懷享誼必報於滁陽漢然即久之
 崇封得已知初之見忌想有不能堪者至瓜步之

後。廖德慶為之。或曰帝不深求德慶。其所以處小明更刻
誣。除陽矣。雖然。二氏之磨拭。有明其勳績。當在六王以上。不

翼運王國列傳

滁陽王郭子興

郭子興其先曹州人父郭公善日者言以其術遊濠之定遠定遠富家有女替郭公為推其干支生子貴翁以女即貴鄉之人知其替不取也且業已過時便與郭公而厚嫁之郭公自得女術益售久之遂大買田宅為定遠富人生子三子興其仲也郭公死三子益以富為豪元至正辛卯妖言起韓山童亂汝穎徐壽輝擅斬黃芝麻李亦與其黨彭早住趙均用等陷徐州子興心動推牛酒散錢帛結士與里中豪孫德崖等四人共率眾襲濠州據之權不稟一

俱自稱元帥。有事共議之。元將徹里不花主兵，憚不敢進。惟日掠良民為盜，以邀賞。百姓益投一城自保。至正十二年壬辰閏三月，太祖釋皇覺寺趨濠，門者以為間行負鎖子興異。太祖狀貌為解縛，收置帳下，俾長十夫。子興馳善戰，每出太祖從，奮翼衝跳盪無前。斬首獲生過當，因間與謀事，頗寵重。引為親近。宿州人馬公者，嘗使氣殺人，避仇定遠，與子興交善。從之濠，病且死，馬公無子，有季女，為鄭媪出，以託子興。子興以為養女。及馬公卒，子興既殊異，太祖自得太祖四帥，頗計得太祖功。夫人張氏乃間進曰：朱某材，應有以固其心，勿令走他人。遂以馬公女妻太祖。是

為孝慈皇后。時四帥皆木強，不能一語。子興較通敏，而臨陣勇悍過之。顧嘗得末座，意激，輕四帥，或出非語侵之。于是德崖輩合謀挫子興。每公會，語不酬。子興拂衣就舍，引病。太祖曰：彼日益合，而翁益疏，何以善後？子興為勉彊，一赴明年，使太祖行收兵，併諸寨，衆遂數萬，攻下滁州。元守將何世陪來降。九月，彭早往，趙均用、芎徐州戰敗，奔濠。德崖等不能拒，遂尊事之。出其下，早往，頗有權略。自用子興與相結，德崖等既心忌子興，微間均用曰：郭某但有彭將軍，真不知有將軍矣。均用怒，相與伺子興出，篡得之。械德崖軍。太祖按劍起曰：郭吾父，有急而去之乎？偕郭公子。

往○想○早○住○早○住○為○馳○德○崖○破○械○出○之○則○元○賈○魯○圍○濠○急○也○
解○仇○合○力○背○城○以○拒○會○月○哥○察○兇○益○助○賈○魯○滌○幾○不○守○明○
年○春○賈○魯○卒○軍○而○圍○解○早○住○自○稱○魯○淮○王○均○用○稱○永○義○王○
子○興○為○元○帥○如○故○譚稱長時○二○王○挾○子○興○屯○泗○州○使○人○邀○太○
祖○太○祖○固○不○往○未○究○二○王○爭○強○早○住○中○流○兵○死○均○用○乃○併○
有○其○故○取○部○而○德○差○等○兩○子○興○為○為○陰○陽○之○子○是○必○殺○
子○興○太○祖○遣○說○客○問○之○曰○公○昔○困○於○彭○城○南○楚○濠○郭○公○閉○
壁○不○相○納○死○矣○得○濠○踞○其○上○更○欲○害○之○昔○德○不○祥○即○不○若○
善○遇○之○藉○其○力○以○獲○急○之○均○用○乃○已○後○又○告○均○用○郭○公○居○時○
晚○旦○夕○為○惠○不○若○從○之○便○子○興○乃○得○以○萬○人○至○滌○尋○欲○都○滌○

自王。太祖不可。時太祖所部已數倍之矣。悉以歸子興。而
諛于子興者曰：鎮撫得衆心，行自大。子興惑之。夷太祖他
將，奪其左右用事。獨李善長涕泣不肯行。會諸將戰歸，各
有所獻。太祖無所獻。子興益不悅。馬后乃悉所有遺子興。
張夫人謂子興曰：公知所以得至此乎？趙王股掌公。
畏朱公子不發。今舍若奚賴？子興始悟。又明年，滁大旱，太
祖禱于栢子潭，與神約發三矢而還。越三日大雨。十月元
脫口圍張士誠高郵，分兵趨六合。六合乞援滁，子興故不
惟六合帥且怯，元兵固不許。太祖曰：六合吾屏蔽，六合破
滁不獨存。遂與耿再成前據瓦梁壘，為六合聲援。元兵攻

壘。垂破。疾復完。如是數四。乃斂兵。八壘出。婦女倚門。戟手罵元兵。相顧錯愕。忘戰。乘間脫。婦滁。而元兵大至。滁乃設伏城外。令再成佯走誘之。敵果中伏。大敗。去奪其馬百。旋恐其浸。至令諸父老具牛酒犒師。而還其所奪馬。曰。非敢為亂。備他盜耳。願併力。高郵贖罪。元兵解去。規取和陽。子與問計。帝請如製。為廬州路義兵甲三千。使敢死士服之。推髻左衽。以四囊駝。偽為廬州馳犒者。張天祐湯和率以前行。和陽人見之。必驩呼開門。疾舉火為號。而絳衣千人。敢再成領之。繼其後。夾攻之。無不利。子與從之。前軍至隄陽關。和陽人果出遠迎。款食城外。過期不舉火。再成疑。

青衣兵已入城，遽率衆城下。元平章也先帖木兒閉門，絕壯士出擊，再成戰不利，中矢反走。元兵逐之，會日暮收還。而天祐青衣兵過城下，出不意擊之，衣服亂，元兵大敗。小西門外，湯和追及之，奪浮橋登城，大呼也先驚遁去。再成等不知也。子興亦以天祐等戰沒，方詬太祖失策。會元兵遣使詣滁，諭降城空虛。子興益恐，太祖令填三門兵于南門，入使者叱滕行。子興諭之多失辭，太祖從旁曲讚之。衆欲殺使者，太祖微曰：殺之示怯，是速其來。不若恐之。大言縱去，彼疑不進。于是再請二千人往收敗卒，身規取和陽。自贖促至城，始知天祐等已捷得之矣。夜呼門，太祖免胄。

示之得入。會元兵十萬來攻，阻隍，敗去。子興遂命太祖總兵和陽。檄至，未發，時諸將驕，不肯下。太祖微除榻以觀之。俗尚右，則諸將坐上坐，滿唯虛左末坐。太祖太祖卽末坐，不為異。已而遇城守机密，諸將矐視，無可否。太祖剖決立辦，奉命覽城。諸將率情廢，太祖按界刻期成。于是作色陳檄前下拜曰：「恭主命，非我敢擅。」因南面，披劍大言稱總兵。權尊，違令者問軍正。諸將始皇恐，就貼。先是城破，太祖出巡軍，見小兒號其母，切惻曰：「吾軍有而母乎？」悉縱而掠，令故夫歡扶去。尋濠即孫德崖，以故舊提其中，就食和陽。太祖意私其中，可有德崖故為不告而納之，而大非子興意。

子興逃視師和陽。德崖請謝去。太祖畱之不得。其前軍行二十里。太祖出餞所。素聞城中軍闕急。促還。而前軍又至。抽刀扼中道。擁馬銜而行。太祖窘。既脫。銜疾馳。則追者箭集于背。行十里許。復為短兵所及。顛墮馬。適有故人馳呼共乘。而遇德崖。弟自和陽來。必殺太祖。張甲者。從傷解之。而公存。亡未可知。敗朱公子。當不幸。而公苦兩傷。吾為子馳視之。則子興鎖德崖而與之酒。及還。告衆怒。猶未平。張護加夜。與共寢。旦復羈麻湖中。會徐達等。以身質太祖。歸德崖亦脫去。子興性暴急。既報仇不成。又以太祖權日盛。中恚。乙未正月卒。歸葬滁陽。子興四子。長二子。忌太祖威。

名置鵠酒躬往迎太祖或微告太祖太祖半道忽控馬仰
天為恭如見神人顧二子正色曰即何負若乃見毒二子
誤以聞空語惶恐謝汗浹背下馬伏地稱死罪自是不敢
有異謀會宋劉福通奉韓林兒稱帝都亳馳檄招子興次
子為都元帥張天祐及太祖以右左副之會和陽食盡太
祖略巢湖水軍破元蠻子海牙渡江取太平郭元帥與天
祐從攻集慶路元福壽堃先等逆拒秦淮水上咸戰死長
子病歿三子以失職為不利死或曰三舍人皆戰死而李
子老舍存一女侍太祖即郭惠妃生蜀代谷王洪武元年
追封子興為滁陽王命有司建祠祭以中牢以宥氏為奉

祀世守。而復老舍家。洪武十六年。命太常丞張來儀。撰子
興廟碑。言王無後。二十八年。命旗手衛官李忠。召老舍
黑窰。厥往四川。候蜀王。老舍生謙。生昇。生信。生琬。
世以王孫朝京師。琬乞恩。弘治中。得為奉祀。繼請乞不休。
正德中。奪官。

論曰。滁陽果能用太祖。即天意不屬。獨不能顯融霸江
上。數十名城。卒悻。求一快。所欲擊。與四帥而五。願
所以雲。雷太祖者。厚誼不可忘。乃其謝諸校于和陽。不
聞呼太祖而託其妻與子。有滁無和。想夢寐不釋。觀二
子治。鳩以邀。未必非遺命所及矣。為滁陽廟碑。既稱無

宋韓林兒

韓林兒本姓李，樂城人。先世嘗以白蓮教惑衆，謫徙永平。元末，父山童復倡言天下大亂，彌勒下生，明王出世，遠近愚氓翕然信之。于是潁川劉福通與其黨杜遵道、韓咬兒等謀動衆，以來末丞相陳宜中嘗自占城歸，云帝昺入倭，逃聲附之。称山童係宋徽宗八世孫，生海外，得還當主中國。傳檄有云：韞玉墜于海東，取精兵于日本。大率以復興亡宋為辭。先是元至元中，天下騷動，其自湖廣、河南、山東以往，盜名號者三百餘處。戊子，台州方國真始據有土地。元憚戰伐，以官撫之。辛卯，羅田徐壽輝稱帝于蕪水，以

紅巾為號，略地，設官屬。時四月，元參議賈魯集丁夫二十
六萬，濬黃河，求禹故道。河夫怨，山童乃以童謠，故有石人
一眼，天下反之語，遂偽鑿石埋濬處，如其語，民相驚擾，徒
亂如鶩。山童因之起，亦以紅巾為號。縣官捕山童，殺之。其
妻楊與林見遁武安山中。福通等以林兒主兵，陷潁州，攻
破羅山、碓山，上蔡、真陽等縣，及汝寧府、光州、息州。八月，元
也先帖木兒擊復上蔡，殺韓咬兒。明年，其衆尚十餘萬。壬
辰，郭子興亦從濠，得太祖入滁陽。乙未二月，福通乃自碓
山夾河，求得林兒歸，立為帝。軍中羣呼明王都亳州。國號
宋。建元龍鳳。毋楊氏稱皇太后，以杜遵道、盛文郁為丞相。

福通羅文素為平章、劉六知樞密院、六好殺軍中、稱劉太保、每陷一城、剽人為糧、折鹿邑縣太清宮材、建宮室、林兒徒擁空名、事皆決于福通、凡起兵叛元者、遙附隸之、三月、滁陽王卒和陽通遣人招其所屬諸將附宋、張天祐往受命、還檄子興次子為都元帥、天祐為右副元帥、太祖為左副元帥、乃設小明王木主載軍中、事無大小咨以行、然寶無所奉、節制丙申、元將答失入都魯、率兵伐宋、福通逆戰、敗元兵于長葛、會哈刺不花引兵來援、連敗福通于太康、十二月、進圍亳州、福通不能禦、以宋主林兒奔安豐、時太祖用龍鳳紀年、渡江下金陵、知福通用兵無先後之序、及

首尾呼應之法不固根本亦未嘗扼要以規便取勢寡謀
淺慮事無規摹且號令不稟行聽反側子散走于是充豫
而北極大同塞外東至遼陽西迄長安南涉江淮皆其鞭
弭所及諸將蹂躪民不堪命故敗不旋踵丙申三月福通
犯汴梁取大名衛輝等處分軍三道一趨晉冀一闚關中
一出山東明年走汴梁守將竹真乃自安豐迎林兒都之
是時元將多敗或陷或復唯察罕帖木兒兵最勁遠近震
之凡福通所遣毛貴之圖山東者初陷膠州元脫歡死之
連陷萊陽攻益都未下趨濟南元山東宣慰使董搏霄大
破貴兵于城下元擢搏霄郡元帥有忌其功者譖于太尉

粗的該搏霄以老疾辭請以弟昂霄代未幾復命搏霄守
長蘆搏霄曰吾釋此去濟南必不守行駐南皮詔改拜河
南左丞亦受命而貴兵奔至諸將懼請退搏霄曰死報國
耳拔劍督戰力屈被殺不見血有白氣及半空是日昂霄
亦格戰死貴乃與不蘭奚戰好石敗之不蘭奚奔濟南貴
馳陷濟南殺守將愛的隨陷般陽及薊州瀋州至柳林元
樞審副使達谷珍戰死樞密同知劉哈刺不花敗貴兵貴
還據濟南建賓館置屯田三百六十餘處于萊州攻滕
州元守將以城降辛丑元命察罕總兵徇山東貴與田豐
逆戰皆不利元復東昌冠州時田豐與王士誠俱降于察

罕、貴獨固守濟南。察罕分奇兵間道出宋兵後，南略秦安、
逼益陽，北徇濟陽。章丘中檇瀕海郡邑，自將大軍攻濟南。
三月，獲之。貴亡走，己亥為趙均用所殺。貴黨續繼祖復殺
均用，而福通所遣李武、崔德丙申破商州。元奉元路判官
王淵起兵復之。九月，入潼關，殺元叅政述律杰。元豫王阿
剌忒失理會樞密同知定住引兵復潼關。止何武等復陷
潼關。元平章百家奴潰去。豫王又復取之。武等敗走，丁酉
破武關，趣長安。分兵東略同華諸州。三輔震恐。豫王移書
求救察罕。察罕新復陝州，輕兵赴援，與李思齊夾擊，殺獲
無數。武等敗走。福通以其無功，責之急，遂叛降于思齊。而

福通所遣田豐丁酉攻東昌元太尉紐的該擊敗之戊戌
連隔東平齊寧紐的該棄東昌走豐據東昌復陷益都大
掠廣平退保東昌庚子攻陷元保定路元遣樂元臣招諭
豐。豐。殺之。不應。辛丑與察罕戰不利察罕甥擴廓視為子
會閔保虎林赤等由東河造浮橋而濟豐以二萬人奪之
不得閔保等且戰且渡拔長淮進攻東平豐戰大敗遂與
王士誠俱降于察罕為元前鋒下宋隸州及濟寧壬寅六
月豐復與士誠謀刺殺察罕豐等之降也察罕推誠待之
教獨入其帳中六月豐請察罕行觀營壘或勸從力士防
變察罕不許曰焉得人。防之矣。乃輕騎按豐營為士誠

所殺。豐等遂入益都。察罕卒。元朝野震悼。追封潁川郡王。以子擴廓代。擴廓既領兵。攻益都急。豐乃間請救于福通。福通自率兵往援。亦半道敗還。豐等城守堅。至穴地通道。乃拔其城。擴廓臨豐士。誠以祭其父。豐等既死。山東地元。盡復之。而福通所遣關先生與破頭。潘諸將破懷慶等處。轉攻陷晉寧。關先生等乃分兵二道。一出絳州。一出沁州。踰太行。熱上黨。及攻破遼州。元將虎林赤擊敗之。關先生轉攻陷晉冀雲中雁門代郡。遂掠塞外諸郡。察罕遣關保等分兵扼塞。絕其歸路。屢擊敗之。已而元周全與伯帖木兒有却。以懷慶叛歸宋。劉福通盡驅其民入汴。全還攻察

罕洛陽察罕登城以大義責全全愧退師福通以其師不
進殺之。時關先生乘察罕還兵河南乃自塞外東還攻保
定不克陷完州又西掠大同興和中都諸郡復東向至高
麗界與破頭潘等焚上都宮殿略遼陽元總管李震死之
久之士誠等死益都而關先生亦轉戰不利敗心福通所
遣白不信大加教李喜等之趨關中也。不信攻下秦隴
破鞏昌以喜守鞏昌而身進圍鳳翔元察罕暗益兵鳳
翔誘不信等圍城察罕乃自外將鐵騎晝夜馳二百里分
兵張左右翼掩擊之城亦鼓噪出不信兵大潰奔四川
隨令李思齊張良弼等共擊喜喜亡于鞏昌喜亡亦敗走四

川至。于福通所屬。吳天保。故獍賊聚眾寇元州。陷武岡路。元湖廣右丞沙班討之。戰死。復陷靖州。尋敗沒。福通所屬俞君正亦聚眾陷荆門州。知州聶炳死之。而別將黨仲連陷岳州。君正復陷中興路。平章咬住與戰。敗績。判官大都死。文義士范忠、荆門僧李智固率義兵復中興。君正敗死。又所屬鄧忠起兵陷建昌路。宜黃、涂裕與郡武應必達等攻陷邵武路。總管吳按攤不花以兵禦之。千戶魏淳出奇計擒裕。必達而復其城。蓋自己亥八月。察罕南下。復汴梁。福通復以林兒入安豐。時諸路師咸敗績。安豐之勢日蹙。癸卯。吳遣呂珍乘輿歸河南。與李思齊相疑。乃將兵二

十萬攻安豐。福通遣使詣金陵，檄救太祖。自將以往。未至，安豐城破。福通見歙音珍戰不勝，棄城走。廬州左君弼助珍，亦敗去。太祖遂以宋主林兒還金陵。曰：「此楚義帝也。諸將議于中書省，設御座，奉林兒，劉基從後，蹴太祖所坐胡床。遂不果。尋密陳天命所在，曰：「此牧豎子何為者。然紀年猶仍龍鳳如故。」丙午十二月，林兒殂。或曰：「沉于瓜步云。」此稱帝十二年。太祖始改明年為吳元年。又明年，即皇帝位。國號大明。以小明王故，不忘旧也。亦以應讖也。論曰：太祖之自宋左副元帥也，不足諱也。而史乃重言之。林兒即不必果徽宗後，乃以樂城監子動搖元祚。馬

箕所及東西萬里如劉福通等誠可為亂天下之才矣
顧劉誠意之不救安豐屬有遠畧夫救安豐則必存林
兒存林兒必更存福通度福通果能屈首太祖下惟左
右哉抑豈能久屈首林兒不為陳友諒江州內擊之計
且能聽太祖屈首其下唯左右哉幸而福通先斃中書
輟座太祖乃無慚德嗟乎當日孤壁太平以宋呼吸故
堅人知之矣迺宋之痕元力而預為明地者人未之知
也不然以毛貴田豐閔先生李武等大小數百戰一一
而明身試之即太祖自饒勝略顧寧不百難且後時哉

罪惟錄列傳卷之六

衡運諸國傳總論

嘗疑古九經諸弟。曷以畏天下為歸。久知天下之勢不可
一。曰不在朝廷也。貫盈其紂云耳。其寔勢去之也。聖門久有
未戒之律矣。元非真有幽厲之暴。即如幽厲幽厲未嘗遽
絕於天。而東高君以不為幽厲失之。元之勢猶大異于東
周之君也。徒情解氣散。而中原反側三百餘處。浸淫為陳
張數雄。衡運云者。無所一定之辭也。有天命者任為之。雖
然亦關人事。當時亦符順天以徃。不成賊不足數。正上方明
州為衡運之始。於是爭勢爭功。智爭人。宋載自毫。顏挾

勢而力与人咸過諸雄。顧于智未深，得輒不守。漢勢不及
宋，猶大過方與張。智力与人數十倍，不啻一入南昌而四
者俱誦明氏保嬰閣，獨得勢。故後服也。明因勢于宋，因人
与力于漢。与吳諸未嘗能自拔，而吾智過之。雖相衡，乃反
為我用矣。而况以德行仁諸，又莫與衡之哉。

衡運諸國列傳

金朱光卿聶秀卿趙韓法師周周子旺捧胡李志甫范

孟蔣丙何羅天麟陳積萬彭和尚

金朱光卿廣東增城人元至正二年丙子與其党石昆山

鍾大明等聚眾作亂建偽號曰金改元赤符時惠州民聶

秀卿占鼓其鄉無賴操戈響應走與光卿合寔元末首難

云元以兵討平之

趙韓法師名四川合州人偽稱神人授以妖術擁眾作亂

稱南朝趙王以海內咸不忘趙宋也尋敗滅

周周子旺江西袁州人煽党稱周王改元久之元以兵盛

之伏誅

捧胡河南陳州人以燒香惑衆殘信陽州破歸德鹿邑焚陳州屯於杏園已而敗散

李志甫漳州南勝人呼党殘其鄉元至元四年圍州城殺守將搠思監

范孟河南杞縣人元至元五年以其衆殺河南平章廉訪等拒黃河作亂

蔣丙道州人元至正元年與其党何仁乘湖廣燕南山東詣盜起嘯聚自稱順天玉尋撲滅
羅天麟福建汀州人與其党陳積萬合靖州徭人吳天保

等起殺元湖廣右丞以刺班。衆至六萬。至正六七年間沿江共起多從之。

彭和尚翼瀏陽人能為倡頌勸人念弥勒佛號。寅夜焚祝。愚民惑之。遂相煽。衆數萬。欲自為亂。而逼于漢沔。徐漢沔遂與合。後為陳友諒所執。

論曰。彗出於昴。元運不長。自光卿以徃。咸為治平大義先驅。雖旋發旋滅。而既動者萬不易。靜夫諸負策力。未獲全見。乃欲其暴足屏氣。復其心。未耜其如。夢不釋確。逞何而後。陳張數英雄。坐而收之。遂以長其助。大旗鼓。

方國真

方國珍避諱改國真。台之黃巖人也。長身貌黧黑。負膂力。兄弟五人。咸剛戾。父伯奇。農懦。無所不狎侮。俗佃見主人。拱侍如承官府。伯奇益退竦。至不自容。里人咸笑國真。張目曰。彼猶人。何所上下。乃自醜如此。他日。伯奇或遇屈辱。遽上退告。所知吾兒不讓人。伯奇死。兄弟力作。豪同畔。稍裕。主人至其家。復責以故事。以積聲色。不堪。國真怒。伴雞黍。醉主人而殺之。時同里蔡亂頭。嘯聚海上。被逮。多所株連。國真有怨家陳氏。訟與盜通。國真妻起戕陳氏。陳之屬計天官。即捕國真。方就食。左手舉几自蔽。右手握門闕格。

殺捕者。遂與兄弟及諸子里之懼連及者。咸亡入海。時至
正八年戊子。旬月間得數千人。掠漕運。執海道千戶。事聞。
詔行省叅政朶只班總舟師捕之。躡福州五虎門。國真
勢促。且焚舟去。忽官兵內自擾。國真反蹙之。執只班。只班
求脫。願請于朝。招國真。詔從之。授慶元定海尉。國真雖受官。
無所仕。兵聚不解。仍出沒海上。攻温州。不克。焚掠去。辛卯
三月。元副元帥董博霄以兵敗之。國真僅以身免。六月。復
聚衆攻黃巖。百戶尹宗戰死。去攻温州。江浙左丞李羅帖
木兒遣元帥泰不華以火筏禦之。退去。于是李羅期不華
大閭。議會戰。國真謀知之。乘夜先捷。卒突李羅營。官兵不

戰潰赴海死者過半。執字羅及郝萬戶囚舟中。復脅撫郝
故出元高麗奇皇后位。下請託公行。俸得脫。詭言于朝。下
不華復招諭之。壬辰春。乃就不華降。會江浙募舟師。征徐
州。國真以訛言驚懼。復叛。刳衷下海。二月。不華軍澄江。遣
義士王大用往諭。國真拘大用。不遣。以小舸三百泛海。門
犯馬鞍諸山。不華誓衆曰。此往克。則諸君功。不克。死報國。
契國真使其黨陳仲達偽受款。比至。仲達目動氣索。不華
知其詐。手劍起斬之。躍賊船。復格殺五六人。賊群乃至。不
華瞑目叱之。衆氣奪。復奮殺數人。賊乃攢槩洞。不華死。猶
植立。不佯事。聞詔。追封魏國公。八月。復寇台州。浙東元帥

也。忒迷失及福建元帥黑的兒合兵擊走之。國真行金賂元執政甚勤。癸巳三月，乃命江浙左丞帖里帖木兒南臺侍御史左答里失復招諭之。時劉基為浙西行省都事，建議謂方氏首叛，宜捕斬不可赦。官之是教，反執政使國真敗臺議。謂基擅作威福罪之，竟授國真徽州路治中。兄國璋廣德路治中，弟國瑛信州路治中，督遣之官。終疑懼不赴。復據海道，阻絕糧運。元復遣江浙右丞阿兒溫沙與慶元七帥納麟答刺會兵討之，皆敗。元無如何，復招安。從其所欲，以國真為海道漕運萬戶。國璋為衢州路總管。先是海上民趙士正諸家起義兵，與方氏戰，子弟多創死，不獲。

沾一命而方氏累叛累進秩功罪及人無以勸乃多甘心
從亂而方氏益橫國真既受官不聽調時汝穎兵亂四方
多故元益羈縻不能問九月以兵突入台州路執元帥也
忒知州趙宜誥等據台州執進士滿省中不屈殺之于隘
慶元路與台相接學錄王剛甫嚴正分守東門方氏憚不
敢窺者久之乙未剛甫解去國真以舟師奄至元帥納麟
不能禦開門納之國真陽尊謁納麟不犯沉慈谿令陳文
昭永嘉丞連海鄉進士趙惟恒于水寇昌國州為連魯花
赤高昌帖木兒所敗國真憤復益兵為寇或託高昌去高
昌怒曰是我效節之日也城破高昌力戰死乘勝陷餘姚

州同知禿堅義責之。尋搆殺禿堅，斥地至上虞。與張士誠接。七月，遣其將李德孫襲溫州，陷之。以子明善為鎮撫。先是，溫岷岡王子清不肯附方氏，被磔柵溪。劉公寬積禦盜功，官都事。憤子清死，率眾襲鎮海門，走明善。十月，元院判邁里古思出兵曹娥江，圖慶元，敗還。明年七月，元復拜明善為判院。明善脅留詔使李國鳳，悉官其黨。然後得去。于是公寬勢不能與。仇明善計飲醉公寬，而密購其僕金興刺殺之。取其首以獻。妻侯氏自經死。明善以金興叛主，斬以徇。戊戌春，黃巖章子善好縱橫術，說國真曰：「元數將終，人皆知之。今所在分崩，各思乘時以立功名。」明公果奮臂。

一呼沂江而上。豪傑景從。立可數十萬。然後南北抗絕。擅
漕粟而食之。如是青徐閩廣遼海。惟公所欲。霸業可成。因
真曰。君言遠矣。竟不能用。久之。元欲藉方氏以定姑蘇。因
授國真浙江行省叅政。兄國璋皆轉官。國真聞吳中富饒。
亦欲自為計。率舟師五萬。進擊崑山州。周將史文炳呂珍
統十將軍禦之。步騎夾岸為塹。國真曰。頻海泥淖。步騎互
猝不得成列。吾知其無能為也。身率壯士趨菴子橋。奮擊
周果步騎亂。五將軍敗沒。死者數千人。國真七戰皆捷。士
誠請和。元令國真罷兵。還治慶元。兼領溫台。全有三郡之
地。遂以國璋國瑛居台。明善居溫。留弟國珉自副。十二月。

太祖親率師下婺州。遣主簿蔡元剏招諭國真。國真欲藉
聲援。觀變。己亥三月。遣使奉書幣。盡以其地來獻。今次子
關為質。太祖曰。交質。衰也。事吾。推誠相與。安用質。子尋復
錢珠玉于馬鞍來。獻直千金。却之曰。吾方有事四方。所需
文武材賢。所向錢穀布帛。此滂巧非所好。後上書願守郡
邑。如錢鏐故事。歲貢白金給軍費。許之。遣博士夏煜授國
真行省平章。煜還言。國真方為元具舟。合士誠。漕海加官
太尉。爵衢國公。時太祖急備漢。未暇討也。太祖既破友諒
于龍江。國真懼。遣人謝過。壬寅。苗兵亂。殺胡大海。持其首
奔國真。國真不納。進師合討。國璋中流矢。死。太祖遣人祭。

之更遣興籤劉辰通命國真飾二姬貽之辰却不受始元
察罕平定山東江南震動太祖遣千戶王華挾三千金附
國真海舟至燕通好元隨遣尚書張景等出諭俄而察罕
死金陵兵威日盛國真欲誅景以媚我景竄我游兵獲之
甲辰九月明善攻土豪周宗道于平陽宗道急來歸胡深
以兵援敗之遂下瑞安明年六月復取樂清獲其將吏釋
戍常州丙午元以國真為浙江行省左丞相諸子弟皆改
官丁未吳元年李文忠下杭州初國真約杭州下納土入
侍至是據境自若太祖怒與書數其十二罪國真懼集群
臣議獨丘楠力勸歸命以保富貴不聽九月命朱亮祖討

之。時士誠就縛。吳平亮祖軍新昌。遣將破平關嶺。至天台。守臣湯盤以城降。尋敗國瑛于台州。亮祖進薄城下。國瑛走入城。狗下仙居諸縣。十月。追國瑛于黃巖。守將哈兒魯以城降。國瑛復走海上。太祖命湯和為征南將軍。吳禎副之。合討國真于慶元。十一月。亮祖進攻溫州。克之。明善已先遁。分兵徇瑞安。守將俞伯通降。追襲明善于樂清。克之。大獲其戰艦。士馬。湯和兵至紹興。渡曹娥江。上虞餘姚皆降。進兵圍慶元。國真乘海舟先遁。府判徐善等率其屬出降。定海慈谿等縣皆下。太祖再命將軍永忠益兵助湯和合討。國瑛遣其子文信詣亮祖納款。時國真欲揚旆遠去。

風輒不利。窘甚。遂遣郎中陳永奉書。湯將軍求降。又遣其次子。閔更名明。完納省院諸司印章。降表略曰。臣聞天無所不覆。地無所不載。王者體天法地。于人無所不容。切念臣本庸才。處于李世。保境安民。非有黃屋左纛之念。曩者陛下遣驛電掣。至于婺州。臣愚以為天命有在。遣子入侍。陛下開誠布公。賜以手書。遣還質子。俾守郡縣。如錢鏐故事。十年之間。與中吳角立。皆陛下之賜也。不意今年以來。老病交攻。頓成昏昧。兄弟子姪輩。志慮不齊。致煩陛下興問罪之師。然猶未免為汎海計者。昔孝子于其親也。小杖則受。大杖則走。今臣之事。適與相類。臣請面縛。待罪闕庭。

復恐陛下萬一震怒。天下後世不謂臣得罪之深。將謂陛下不能容臣。豈不累天地之大德哉。蓋幕官詹鼎所撰州也。太祖覽之。嘆曰。孰謂方氏無人。是可以治國。真矣。賜書原宥。國真既降。得舟楫器械以萬計。改慶元路為明州府。後改寧波府。徙其屬官劉庸等于濠州。明完獻二郡水手數萬人。請沿海築城備倭。從之。明年正月。太祖即皇帝位。國真人朝。賜第居京中。與李思齊同受行省左丞祿。以其子禮為指揮僉事。明完為鎮撫。姪明謙亦指揮僉事。洪武七年。國真卒。年五十有六。兄弟俱不知書。時佐其謀議者。劉仁本、張本仁、鄭永思、丘楠、董楠、永嘉人。頗廉慎。餘皆由

州縣胥吏進用貪賄營私無深慮遠略子明善居溫頗循法度而國璋國瑛居台惟以殖貨為富家計及降恭佐皆杖死惟赦楠仕為韶州府知府

論曰元以高官賞叛即奈何不弄兵元亂自方始然則劉福通以下不勝數皆為方黃巖所遣矣徒恃狙詐非有長駕遠馭之畧比之宋將毛貴田豐輩猶當北面安所望章子善之計得行乎使獻郡質子之日出舟師應江陰局促張氏封侯及世不足耐也袁柳庄一見國珍語人曰南人胡相褻服見人猶可觀冠服則陋鄙矣終非成美名者

天完徐壽輝

徐壽輝行貞一羅田人也姿狀龐厚為布販往來蘄黃間性寬縱無他才能先是瀏陽僧彭翼能為倡誦衆徒而袁州慈化僧瑩玉亦以彌勒訛言煽人湖湘狂鷲適壽輝浴鹽塘身恍惚有光麻城人鄒普勝異之聚衆紅巾為號推壽輝盟主攻陷蘄黃以蘄水為蓮臺省壽輝自稱為皇帝國號天完改元治平時至正十年辛卯冬十月也以鄒普勝為太師黃坡人倪文俊為將陷元饒信守臣魏中立于大卒死之壬辰春正月遣丁普郎等陷元漢陽及興國府鄒普勝陷武昌曾法典陷安陸知府丑驢戰死進陷沔陽

推官俞祖述力竭被執罵不屈支解之。二月陷元江州。總管李黻死之。黻字子威汝寧人。泰定丁卯進士。及第與兄子乘昭俱。及難三月。遣兵陷元袁瑞。直抵廬陵。攻破吉安。鄉民羅明遠復之。秋七月。遣項普畧自徽饒犇攻杭州。城無備。元叅政執敬出禦。死之。時詭托弥勒教。不殺與淫。投服者。但署姓名于簿而已。會元二帥董搏霄移兵來會。平章教化欲退保湖州。搏霄請急擊。勿失諸將難之。搏霄拔劍瞋目曰。相君在是。慢令者斬。遂戰。復杭州。降其將潘大齋。梅元等。進復廣德。蕪饒。逼徽州。天完有道。不能作。十里霧搏霄引兵擊擒之。焚其書。徽州亦下。十一月。天完趙

普勝周驢等據池陽太平諸郡攻安慶。衆號百萬。元江西
平章政事星吉募兵得三千人。進克銅陵。渡池州。又渡湖
口。解安慶圍。克江州。綴江西要衝。以圖恢復。日久。救援不
至。力戰。衆死且盡。星吉猶堅坐不動。俄中流矢仆。敵素聞
其名。不忍害。昇至密室。乃燕。衆羅拜饋食。星吉叱之。凡七
日。北面再拜曰。臣力竭矣。自刃死。十二月。元卜顏帖
木兒及西寧王牙罕沙合兵破蘄水。獲其官屬四百餘人。
誅之。壽輝復徙漢陽為都。乙未春正月。倪文俊復陷沔陽。
元威順王令其子報恩奴同元帥阿思監水陸並進。至漢
川。水淺。文俊以火筏焚之。報恩奴死。三月。陷襄陽。五月。渡

破中興路元帥朶兒只班死。六月太祖渡江取太平時
文俊以軍功專恣欲謀殺壽輝自立不果奔黃州而文俊
部將陳友諒乘機襲殺之併其軍自稱平章十二月明王
真據成都初王真為俊部將文俊死王真貳友諒閉西蜀自
固郡縣皆附戊戌春正月天完友諒破安慶夏四月復破
龍興已亥六月攻信州破之冬十二月友諒劫壽輝于江
州庚子夏五月使人弒壽輝而自立壽輝凡稱帝十年
論曰金不令人思人思宋故鍾大明之冒大金未幾敗
滅而諸竊名號者皆不及宋之十二年海內憐帝焉之
不終也偽且然矣天完初起率託彌勒因果山童六藉

其聲息禪教似古墨翟。不止蠱人心。而且我國運其名。
之為禍已自如矣。縱橫江北不能自制。而一聽之望鹽。
塘之光者。光盡即奈何。倘不下江州。而全任明玉真。閑。
門西蜀。或治平十一年可也。曰不然。文俊欲棄壽輝。自。
予安知玉真不預。溲如西蜀。蓋友諒之激使然。我玉真。
之胸安得有壽輝在。

其○華○息○華○姑○以○古○墨○野○不○五○盡○以
 之○高○謝○以○自○吐○地○地○地○蘇○以○此○不○論○自○得○而○一○類○之○皇○聲
 歡○之○法○香○失○盡○明○奈○何○斷○不○不○正○快○而○全○并○脚○之○真○個
 門○西○爾○遠○能○平○十○一○味○可○也○口○不○能○牙○好○好○藥○味○味
 呼○喚○喚○吐○喚○呼○喚○喚○呼○喚○呼○喚○呼○喚
 心○呼○喚○喚○喚○呼○喚○呼○喚○呼○喚
 其○華○息○華○姑○以○古○墨○野○不○五○盡○以
 之○高○謝○以○自○吐○地○地○地○蘇○以○此○不○論○自○得○而○一○類○之○皇○聲
 歡○之○法○香○失○盡○明○奈○何○斷○不○不○正○快○而○全○并○脚○之○真○個
 門○西○爾○遠○能○平○十○一○味○可○也○口○不○能○牙○好○好○藥○味○味
 呼○喚○喚○吐○喚○呼○喚○喚○呼○喚○呼○喚○呼○喚
 心○呼○喚○喚○喚○呼○喚○呼○喚○呼○喚
 其○華○息○華○姑○以○古○墨○野○不○五○盡○以
 之○高○謝○以○自○吐○地○地○地○蘇○以○此○不○論○自○得○而○一○類○之○皇○聲
 歡○之○法○香○失○盡○明○奈○何○斷○不○不○正○快○而○全○并○脚○之○真○個
 門○西○爾○遠○能○平○十○一○味○可○也○口○不○能○牙○好○好○藥○味○味
 呼○喚○喚○吐○喚○呼○喚○喚○呼○喚○呼○喚○呼○喚
 心○呼○喚○喚○喚○呼○喚○呼○喚○呼○喚

漢陳友諒

陳友諒，沔陽人。故謝氏贊陳父普才，黃蓬漁子也。友諒性
踈險，有智略，深通兵法。初為沔陽書獄吏，不樂其職，浩然
棄去。嘗出泊磯下，有鳥聲呼，或似陳皇帝云。因自負，欲有
所為。父普才嘆曰：「捕魚兒何為？吾不忍見矣。」即母令我知
匿。去友諒，遂與其弟友仁等聚眾，應天完徐壽輝於漢陽。
諫倪文俊，年三十有餘矣。獯狡猾，出沒匪意，所向必克。
歷功為領兵元帥，始迎其父歸軍中，笑曰：「大人第觀兒所
為。」丁酉，文俊擅權驕，謀弑壽輝，不果，奔黃州。友諒既心忌
文俊，乘其貳，假大義起襲殺之，併其軍，自稱平章，居江州。

矯制則高皇帝克金陵二年矣。命常遇春等取池州。斬天
完將洪元帥。南魏壽等。友諒競戰艦來吳。敗去。明年友諒
攻陷元安慶。守臣余闕死之。連破龍興路。瑞州。令趙普勝
乘勝復陷我池州。元建撫贛汀諸州。次第陷。西破襄陽。元廉
訪的斤。宛信州併陷。杉關及邵武諸郡。己亥春。池州再入
版。天完復攻我太平及糞陽石埭。不利。徐達進兵逆擊之。
普勝棄舟陸走。再取我池州。普勝有客通術數。太祖使辯
士陽與客交。致書客。誤達普勝。普勝果疑客。不自安。來
歸告普勝陰事。遂令潛走友諒。所親患普勝。普勝不覺也。
恃功傲見友諒。使者友諒益忌之。以其兵數敗。疑內叛。親

走安慶軍。猝邀議事。斬普勝于雁入。徐達乃率張德勝等
疾攻安慶。拔潛山。相持不下。十二月。壽輝欲東徙。都龍興。
友諒忌其來。陽出迎江州。伺甲西門入。壽輝伏發。盡殲其
所部親信。居壽輝江州。而自稱漢王。置官屬。誅賞無所稟。
明年夏五月。友諒挾壽輝聲援安慶。太祖策其必犯池州。
伏常遇春九華山。待之。俘斬二萬餘。友諒乃佯遣使告平
曰。戰非天完意。邊將不謹。致弄兵。甫閱月。忽以重兵突太
平。乘漲。舟尾接城堞。西南陷。麾其衆跨堞入守。符花雲與
知府許瑗皆死之。友諒既取太平。促使人白事壽輝所預
伏壯士。袖鐵搥狙擊壽輝。壽輝中搥死。左右皆友諒所私。

無為壽輝死者。于是即江岸五通廟，自稱皇帝，國號漢。建
元大義，值甚兩，群臣竄立州，次成禮，仍以鄒普勝為太師。
張必先為丞相，張定遠為太尉，餘各拜官。有差，遂還江州。
方數日，輒大出兵，順流壓金陵。又預遣人周士誠所約，好
令夾擊金陵。衆寡懸，金陵大震。議者請以城降，且欲奔鍾
山避之。獨劉基不可。太祖乃決計應敵。或曰：「先拔太平，牽
敵勢。」太祖曰：「太平濠整固，我頓兵堅城，進不能取，退不能
援，失所據矣。」或又曰：「不如親率步騎往逆之。」太祖曰：「彼知
我出，以偏師綴我，而大兵乘流，半日抵金陵，吾百里趨救，
兵法所忌。」乃令胡大海自衢間出信州，以制其後，而令指

揮康茂才偽約降交諒。諒速其來。茂才故與交諒善。其老閻
旧嘗事交諒。奉書給告金陵。虛寔。且令分兵三道。以弱其
勢。李善長曰。計悖。即以漢兵為憂。柰何。速之。太祖曰。遲之。
陳。張。交。成。吾。左。右。厄。矣。夫諒得茂才。甚喜。過望。且問江東
橋。曰。木耳。因誠聞者。吾至。老康為驗。聞者許諾。太祖夜以
鐵騎橋。比旦。橋成。令趙德勝。跨新河。築虎口城。守之。而常
遇春。馮勝。華高。等率帳前五翼兵。伏石灰山下。徐達等嚴
陳南門。楊璟駐兵大勝港。張德勝。朱虎。伺舟師龍江。閉而
親總大軍于盧龍山。偃黃幟山之左。偃赤幟山之右。令曰。
寇至。赤幟舉。黃幟則伏。盡發。己丑。漢舟師至大勝港。沮

揚環港、狹舟不得並進。遽引退，衝江東橋。橋堅，知中第急呼老康，無應者，猝還泊龍江，遣萬人登岸立柵，勢銳甚。時酷暑，太祖衣紫茸甲，張蓋督兵士，卒盡揮汗，日中遽命去。蓋衆感奮，欲戰。令曰：「天且雨，會食。」後乘雨擊之，士皆仰視天，無雲，不肯信。頃之，西北起雨，大作，赤幟舉，諸軍競前。前拔柵，漢兵爭之，戰方合，雨止，伐鼓，震黃幟，舉常遇春以伏兵起，南門兵亦掩至，龍江舟師還，內外夾擊，漢兵大潰。趙舟溺，落膠淺，不能退，殺溺死無算。友諒乘別舸起，降其將張志雄、梁鉉、喻國興等，獲巨艦百餘，俘七千餘人。徐達乘勝躡慈湖，焚其舟。時廖永忠、軍米石蓋邀擊之，華雲

搗其中堅。王銘者先登，創額裹血，戰益力。旋回者三匝，周
顛別勝于競渡橋，虜其將十三人。而五翼軍渡至漢軍，有
皂旗毘馱，盡披靡投水。友諒收餘兵，棄太平遁去。連追
至池州而還。降將張志雄進曰：金陵之勢在安慶，初漢兵
空壁而東，今戰敗，無有為安慶守者，因襲下其城。令趙伯
仲守之。時天完舊將歐普祥以袁州降，反擊漢，獲其將友
仁。太祖令善歸友仁，而與漢約。和辛丑夏五月，漢輒使李
明道將兵寇廣信，多所推陷。胡大海先使人過玉山，乃與
李文忠出靈溪合擊，敗之。虜明道及其宣尉王漢，漢願降。
其兄建昌守平章溥自效。是月，漢使張定逸渡取安慶，走

趙伯仲。太祖誅伯仲以殉。劉基曰：夜觀天象，火星逐金星，請急營安慶，往必利。太祖親率師抵其城，漢兵堅壁不戰。初以陸兵疑之，敵稍動，繼破其水寨。城堅，不即下。劉基請名攻安慶，潛師疾走江州，毀其巢。太祖悟，擊楫嘆曰：安慶著面子矣。長驅過小孤，漢將丁普郎、傅友德等咸迎降。師距城五里，友諒始知之。倉皇引逆戰，大敗。夜半率妻子西奔武昌，而江州下乘勝進拔，蕪黃、興國、黃梅、廣濟等郡。又遣使招諭漢江西諸守將，餘于吳宏、龍泉、彭時、中吉安、孫本立、魯萬中、陳州、陳龍、咸納款內附。而趙德勝分下瑞州、臨江諸郡，鄧愈襲浮梁，破之，遂取樂平、饒州之境，悉定獨

鄧克明為漢守撫州，佯遣使納款。鄧愈知其偽，擊走之。初，友諒之跳武昌也，徐連追至夏陽，還鎮江州。方奉命馳建康，未半道而友諒兵已併入江州。連又縱擊，大破之，俘其眷屬。因復下安慶。冬十二月，漢相胡廷瑞以龍興附其部。將祝宇、康、秦意不與，奪于廷瑞。未發，壬寅春正月，太祖幸龍興，諸降將畢會。三月，連西攻武昌，令宇、秦從行。二人果半道叛，還夜劫洪都，發礮火破新城門。守將鄧愈倉卒出走，知府葉琛都事萬思誠死之。詔徐達還定洪都，乃使朱文正都督洪都。時江西諸郡尚多觀望，漢八陣指揮者猶竊屯南昌之西山。鄧克明復起新淦，熊天瑞寇吉安，陷永

新守將孫本立被執。死。饒鼎臣繼陷吉安。明年正月。臨江
撫州。饒州等處復叛。如正。次第遣兵底定之。當是時。交諒
既擅制全楚。而士誠亦王姑蕪。太祖議所向。或請先好蕪。
饒。沃。劉基曰。士誠自守。虜友諒上。將名號。不。正。陳氏。賊。探
張氏子。囊耳。太祖亦以友諒。剽。輕。吾。引。兵。東。漢。必。踵。至。遂
決計。西。伐。會。士。誠。攻。安。豐。急。劉。福。通。以。宗。主。韓。林。兒。檄。請
援。太祖。必。自。將。往。劉。基。加。諫。不。聽。時。友。諒。憤。其。敗。欲。報。洪
都。乃。作。大。艦。高。數。丈。外。飾。丹。漆。上。下。三。級。上。置。走。棚。下
設。板。房。為。蔽。置。弩。數。十。其中。上。下。人。語。不。相。聞。膳。廂。皆。裹
以。鐵。為。必。勝。計。載。其。家。屬。百。官。空。國。而。來。辦。六。十。萬。四。月

壬寅直抵洪都城下。攻具百道。連晝夜。文正兵寡。拒守。加
隨方應之。友諒親督衆攻撫州門。兵各冒竹盾。如箕狀。矢
石不能及。總管元帥而下。劊死甚衆。趙德勝率步卒千人
開門搏戰。斬漢平章劉進昭。鹵副樞趙祥。漢兵稍却。友諒
益增修攻具。欲破柵從木闌入。文正以長槩從柵內刺之。
敵互奪更進。于是更煉鐵鉤。出手灼爛。不能奪。德勝方巡
營步門中。蹶聚芻洞腰膂。卒而漢已分遣別將蔣必勝等
攻圍各郡。以故無近援。李明道遂復以吉安叛歸漢。殺守
將魯萬中。隨陷臨江。文正遣千戶張子明潛赴金陵告急。
還為漢人所執。友諒曰。而誘降文正封侯。即吾立死。子明

許諾至城下大呼諸公但堅守百萬刻期至勿憂友諒殺
子明城上震呼守益加時太祖悔安豐之行曰吾恨不入
劉基之言使友諒解事乘虛揚旆金陵大事去矣圍南昌
計之下者趣還徐常廬州之師七月癸酉親督舟師二十
萬赴洪都援癸未次湖口友諒乃解圍東出鄱陽湖逆戰
時洪都被困已八十五日矣丁亥遇康即小徐達先諸將
敗其前鋒漢兵死者千餘太祖意不忘金陵立命達東留
守戊子市舟師為十二屯令俞通海乘風縱焚敵兵二十
餘艘軍威震漢將張定邊駭捷直前犯中軍太祖舟通膠
淺倉卒厄牙將韓成進曰古人殺身以成仁臣不敢愛其

死願假上冠服投水以疑敵。漢兵競登舟觀呼萬歲。攻稍緩。會遇春等疾援水邊。舟得脫。遇春飛矢中定邊。定邊走。俞通海等飛舸及之。定邊背負百餘矢退去。日暮軍中藉藉懼不敵。太祖夜集諸將更授約束。己丑漢兵悉鑿巨舟為陣。旗幟樓櫓望之如山。我師怯于仰攻。太祖親執號麾之左右却急。郭隊長十餘人縮不進。院判張志雄所乘舟檣折。敵以數舟攢鉤刺之。志雄窘自到。丁普郎金景陳弼徐公輔與宋貴陳兆先等先後皆戰死。普郎身被十餘創。猶執兵若戰狀。直立舟中不仆。郭興曰。石火攻不可。戊子之戰已小見其利矣。乃命常遇春等寔荻葦七舟和火藥。

其中東州為人飾甲冑為睨敵狀敢死士操之。晡時東北風起走七舟巨舟下敵苦高不能俯過又聯鎖。猝不脫。漢舟數百艘須臾盡。烟焰漲天。湖水盡赤。友諒弟友仁友貴平章陳普略等盡燒死。友諒為氣奪。明日庚寅漢兵復出挑戰。我中軍舟檣白。寇併力白檣。急令諸檣皆白。自辰至午。戰不解。劉基侍。忽揮手割呼。唯星遇。猝太祖袍急引他舟。太祖危駭。顧前舟已破。碎。左右半溺水壞矣。辛卯復聯舟大戰。廖永忠以六舟深入。我師遙望無所見。意已陷沒。有頃六舟統敵巨艦。勢如游龍。諸將勇百倍。呼聲震天地。波濤立起。日為之晦。友諒敗。欲退保鞋山。不得出。俞通海

乃請放舟入江。塢上流稍即休。而劉基亦密請移軍湖口。遂令夜船置一燈相隨度淺行。比明已盡泊左蠡。友諒亦出泊渚磯相持者三日。先是友諒數戰不利。其右金吾進曰：「軍勢相抗，出湖寔難。莫若焚舟登陸，直趨湖南，謀再舉。」左金吾曰：「不然。我師尚衆，何至自焚示弱？友諒猶豫，至是乃曰：『右金吾之言是也。』」左金吾聞之懼，遂以衆來降。已而右金吾亦降。漢力益衰。太祖貽書友諒，激之使戰。友諒怒，畱使者不答，而盡殺所獲我戰士。太祖故悉出敵俘，視有傷者，藥療之，皆遣還。下令曰：「但獲彼軍，皆勿殺，又祭其子弟。之死者，若我諸將士之死于敵，遂出湖口，督諸將橫。」

截之。凡自有五日。友諒不敢出。復貽以書。略曰：公即僥倖
生還。亦宜脩德。勿復欺人。急却帝名。待真主。友諒亦不答。
太祖日與博士夏煜等草檄賦詩。意氣彌壯。分兵連復。斬
黃興國等。八月壬戌。友諒食盡。悉兵突湖口。我兵擊之。
與敵舟比。随流下。自辰至酉。戰不解。方達涇口。岸兵合擊。
時張鐵冠侍側。大笑伏地。賀曰：友諒死矣。太祖曰：嘻。無妄
言。俄有降卒言。友諒方視兵。鎗外翹首。四應。忽流矢貫睛。
及顛死。遂虜其太子善兒。卒章姚天祥。陳榮等。得漢卒五
萬。張定邊夜以小舟載友諒屍。還武昌。復立子理為帝。改
元德壽。九月丁卯。班師。亦舟載俘。白舟乘劫。過湖。浮屍盡。

蠢。嘆曰。嗟。士。為。我。死。耐。而。祭。之。十。月。西。征。武。昌。諭。常。遇。春。
曰。陳。理。猶。孤。豚。久。當。自。服。慎。勿。與。戰。甲。辰。正。月。即。吳。王。位。
二。月。躬。視。師。武。昌。令。遇。春。搗。漢。張。必。先。援。兵。于。直。婆。山。復。
令。傅。友。德。奪。漢。高。冠。山。俯。瞰。城。中。漢。計。誑。夜。遣。驍。將。同。僉。
陳。英。獨。禦。棹。馳。入。中。軍。且。叔。王。方。披。帳。坐。胡。床。牙。將。郭。
英。宿。衛。亟。呼。兒。郭。為。吾。殺。賊。英。奮。臂。一。呼。英。應。聲。倒。癸。丑。
理。衛。壁。率。張。定。邊。等。出。降。乃。慰。諭。友。諒。父。母。凡。府。庫。悉。令。
理。自。取。禁。士。卒。毋。入。城。發。粟。賑。饑。因。封。陳。理。歸。德。侯。亦。侯。
其。父。普。才。弟。友。仁。等。皆。追。封。伯。友。諒。凡。稱。帝。四。年。年。四。十。
有。四。時。漢。將。之。未。服。者。熊。天。瑞。據。贛。州。新。淦。豪。民。鄧。仲。廉。

亦拒永豐。鄧志明與其兄克明立寨新淦自保。饒鼎臣抗
吉安。姜旺保江陵。左丞周文貴走湖南。尋命常遇春、鄧愈
等討平新淦諸寨。而徐達等下江陵。取夔陵、潭沅及夜衛
諸州郡。寶慶路皆平。獨贛州不即下。王諭遇春曰：「天瑞孤
城不可久當以保全生民為心。」乙丑正月始克贛州。降天
瑞。遣將踰嶺招諭韶州。南雄諸郡皆降。鄧愈還破昂臣于
安福。遇春克安陸。取襄陽。以鄧愈鎮襄陽。而平章湯和先
後克永新等七十餘寨。穀城表降。漢文貴令其黨復寇辰
溪。總制詹允升遣兵討之。文貴退保麻陽。復遁廣西。漢遂
滅之。置普才于滁州。徙之高麗。詔其王善待之。

論曰陳友諒以漁兒起。不樂獄吏。襲有全漢。傲然自大。或以其矯激猾悍。比方項羽。夫漢之殺倪文俊。弒壽輝。與西楚之殺卿子冠軍。弒義帝。事頗類。而一則驟霸五年。一則抗制四載。時又畧相當。嗟乎。友諒人傑也。然而西楚之失。東歸漢之失。東下曰。勢可任而不知所用之也。友諒起家江漢。利樓櫓。乘風破浪。勇幹百出。陸走未其所長。故不能翹馬首一步。至于東驚南昌。則所為自求處囊中一怯。夫能制之矣。然則為漢策奈何。無知急取安慶為扼要。而東連姑蘇。持重勢以臨之。是故剽疾者。漢之所以為能。而六其所以自敗也。漢將如傳。

友德丁普即熊廷瑞王溥等不下數十人皆叛漢

陵效死六如黔布等之于項氏而定遠故人無事

漢即太祖之間趙普滕無過疑亞父故智然亞父猶得

掃骸骨于彭城而普滕坐疑輒死則所以冷豪傑之心

者豈少哉究陳理一室歸款而尚有閉柯陳山不知明

臘桃花滿峽避明胡為矣

此西華王孫... 漢... 陳... 明... 胡... 為... 矣... 臘... 桃... 花... 滿... 峽... 避... 明... 胡... 為... 矣... 漢... 陵... 效... 死... 六... 如... 黔... 布... 等... 之... 于... 項... 氏... 而... 定... 遠... 故... 人... 無... 事... 漢... 即... 太... 祖... 之... 間... 趙... 普... 滕... 無... 過... 疑... 亞... 父... 故... 智... 然... 亞... 父... 猶... 得... 掃... 骸... 骨... 于... 彭... 城... 而... 普... 滕... 坐... 疑... 輒... 死... 則... 所... 以... 冷... 豪... 傑... 之... 心... 者... 豈... 少... 哉... 究... 陳... 理... 一... 室... 歸... 款... 而... 尚... 有... 閉... 柯... 陳... 山... 不... 知... 明... 臘... 桃... 花... 滿... 峽... 避... 明... 胡... 為... 矣...

吳張士誠

張士誠，秦州白駒場鹽獐也。小字九四，與弟士德等並以私販緣為姦利。士誠有膂力，輕財好客，寬濶寡言笑，而性激鷙，遲發不肯化，市鹽諸富積始多，忽易之，往之色侮，或負其值而弓兵丘義使氣更窘辱士誠，士誠不能堪，憤起結壯士李伯昇等十八人殺義，并素所色侮者，更縱火焚其居，延數百家，自度不能免，時汝穎兵起已二年，官府不能制，士誠亦陰號召場游手少年謀舉事，為至正癸巳正月也。先是賊訊李華甫受撫判秦州，士誠密與深結，至是殘其故黨甚，士誠憤殺華甫，併部其故黨行丁溪為大姓劉

子仁所厄。弟士誠冒矢死。士誠激攻子仁。破走之。附者始
衆。五月。陷秦州。元命楊州知府李齊招諭士誠。請降。願受
民職。自效。時叅政趙璉移鎮秦州。促士誠。治剗船。應淮泗。
士誠心疑有變。起伺間。窘執璉。以身撞士誠。罵不絕。被
害。其僕楊兒護璉。亦死。進陷興化。元左丞侯哲篤鎮高郵。
士誠黨教人。偶乘間呼噪。入高郵。掠侯哲篤。及其屬倉
皇出走。士誠竟入據高郵。行省苦不能治。復赦其罪。諭使
至。不得見。還。謬稱士誠已迎拜。獨乞一名。爵。于是遣照磨
盛昭以萬人告身。撫士誠。士誠拒不受。拘耶舟中。勒反。戰
元兵。昭不辱。殺之。行省不得已。復遣使往諭。士誠曰。須李

府君來至則疆齊伏跪齊曰吾膝如鐵士誠怒推其膝腐
割之元竟憚用兵令侍制烏馬兒往諭錄事孫撫輔行撫
反覆曉譬不悟拘為軍中後從徙吳謀復高郵語洩被害
樞密院都事石普者故文臣編脩以萬人夜叩枚直趨寶
應士誠驚潰普乘勝斬首數百抵高郵士誠益蹙而為蒙
古軍千騎遮普前恒怯反走以是普兵亦被蹂多濟水普
死之元始命淮南行省平章福壽往討之不赴甲午正月
士誠自稱誠王國號周建元天祐攻揚州不克陷盱眙泗
州時右丞相脫脫以讒出督諸軍事聲討士誠士誠大敗
以十餘人突圍走元復高郵已脫脫竟以讒削爵去安置

淮安副使哈喇憤曰、丞相行我屬度不免、即寧死丞相前、因拔劍自到死。士誠乘隙還擊之。海據高郵是歲太祖度江、駐金陵、下鎮江、丙申、淮東大飢、江陰人朱定與富民趙氏相仇、殺去為盜、渡江、謁士誠求救、因言平江饒富、可以建國、願以其黨內應。士誠自念材力未足、抗淮北、又高郵多瞻顧、不足守、謀兼弱自固。弟士德智略可任、于是遣督兵由通州二月抵平江、元鎮將脫寅禦之、不克、其館客楊椿敏交于胸、罵不絕口而死。妻王哭軍中求屍、為所執、不屈。周兵義不敢犯門、人陳普亦罵賊死。士誠奉其母、曾來自高郵、服御僭天子、以李行素為丞相、弟士德為平章、立

樞密弘文館所親信徐志徐義堅典親軍李伯昇並知軍事
韓謙錢輔及王敏夫蔡彥文葉德新等為參軍規摹稍上與
高郵殊分兵陷湖州松江常州諸路立鎮海萬戶于太倉士
誠名為好士收元臣郭良弼董綬為賓友亦束帛迎故員外
郎楊秉于其家秉遺命其子南卓訖頌曰西慨然曰晚節如
是足矣夜自縊死張百戶者與其伍謀起兵不果見殺周人
調其妻曰從我手妻憤觸刃死尋陷杭州元丞相達識道去
州民黃仲越妻朱氏弟婦蔡氏妻馮氏乳母湯氏女臨安奴
一家抱死元令叅政楊完者南擊士誠敗之達識還守杭州已
而犯我宜興援將耿居用戰死太祖貽書比士誠隗囂士誠不悅羈

我使楊憲不遣舟師復犯鎮江。徐達與戰于龍潭，破之。因急攻常州。周遣士德盛兵來援，達設三覆以待。執士德歸。太祖為色喜。周乃奉書請和。太祖責其開釁二諾，士誠不報。于是蓋兵三萬困常州。周誘我新附鄭僉院叛去，反攻達。常遇春等脫達圍于中塘，擊敗之。丁酉，耿炳文、劉成等下周長興，以炳文為都元帥，成副之。時常州食盡，守將呂珍宵遁。以湯和為元帥，守之。周連寇長興，敗去。別將張鑑等克周秦興、俞通海，以舟師略馬鞍山。中、右、目不動，而常遇春等攻江陰。總督王忽雷乘風雨奮擊，奪秦望山、江陰。下權、吳良、分院，守之。弟禎協守金陵界。周唯長興與江陰、長興。

據太湖口陸走廣德諸郡而江陰枕大江扼姑蘓通州濟
渡于是士誠水陸侵軼之路絕未幾克馬馱沙江陰益固
取常熟士誠累敗氣悞而士德既被拘潛書士誠俾降元
為助士誠乃使人詣行省達識請降詞多不遜陰賂楊完
者為代請力達識不得已承制授士誠太尉弟士德淮南
平章士信同知樞密院事士誠雖奉元正朔錢穀甲兵專
制如故戊戌周兵寇常州連寇常熟湯和廖永安逆拒大
敗之楊完者故土官以功歷官左丞驕恣而苗軍貧殘達
識不能制乃陰與士誠合兵圖完者完者寤自殺苗衆潰
其部將蔣英劉震等以餘衆三萬就桐廬乞降士誠乃益

無忌遂勸達識據元杭州以兵迫奪嘉興紹興并據之乘
勢復寇常州湯和等擊敗之先是徐達率邵榮等攻宜興
久不下太祖遙諭宜興城小而堅西通太湖宜絕其饋道
竟以是拔之而廖永安分舟師徇太湖與呂珍戰不利為
所獲士誠欲降之不屈拘囚之太祖以所獲周士三千人
易永安士誠不許士誠請以永安易士德太祖亦不許命
楊國興守宜興國興屢破周師勞來安集民多來歸己亥
邵榮破周兵于餘杭胡大海等取周諸壘改為諸全州呂
珍卒衆來攻堰水灌城大海奪堰反灌之珍窮蹙大海縱
之歸以示威信鄧愈略臨安大破周兵於閑林寨周侵嚴

州李文忠由碧溪鳩迎戰大破之旋復寇江陰。賊艦蔽江。良以計合擊之。殺溺甚衆。已而連寇建德。宜興。常州。婺源。嚴州等處。皆敗去。于是太祖自將取紹興。以馮國用守之。國用卒。李軍周復遣兵陷紹興。庚子。士誠遣其將李清陷我濠州。天完友諒弒徐壽輝。自稱帝。使上約。士誠同寇建康。士誠觀望不敢進。復侵諸全。守將袁寶戰死。總管楊泉。張琪守長興。逆戰。呂珍被殺。耿炳文以勁兵合戰。大破之。而李文忠救諸全。破周兵于三溪。焚其營。元徵糧于周。別詔方谷珍具舟海運。咸不奉詔。達識為往來遊說。得運糧一十一萬石于燕京。辛丑。胡大海攻紹興。不克。周守將呂珍有材畧。嘗以牛車囊兵。齊

五襲我。每戰令軍作敵高噪。遂著保越錄以自詡。以之李伯昇將十萬寇長興。勢銳甚。耿炳文僅以七千人固守。陳德等援兵三路皆被劫潰去。時太祖方下九江。急遣常遇春還師東援。走伯昇。俘斬五千餘人。壬寅故降苗一日叛。金華處州殺胡大海及耿再成。士誠急乘間遣其弟士信等重兵圍諸全。李文忠先以偽榜緩其攻。檄信州胡德濟往援。夾擊大敗之。敵爭渡。溺死無算。時宋劉福通以韓林兒保安豐。癸卯周呂珍率師二十萬攻之。宋求援于金陵。援未至。城陷。福通見殺。太祖親帥師三戰。拔其城。並走左君弼。院判謝再興守諸全。嘗私賀杭州。太祖使李夢庚節

制其軍。再興內不安。恚曰：吾嫁女徐達，乃不令我知。何異
給配。執夢庚以諸全叛降。周攻東陽，李文忠令嚴備。五指
山而輕兵疾馳，大敗之于義烏。先鋒胡深曰：諸全浙東藩
蔽，失此，衢處無以為守。請更築城。五指岩下，不旬日城成。
乃以德濟為浙東行省參政守之。是時太祖與漢友諒會
戰鄱陽，急遣徐達備士誠于建康。士誠方幸無事，脅達識
為請王壽，不得，益憤，遂自稱王，改國號曰吳治。宮室置官
屬尊。母曹氏為太妃。甲辰正月，太祖即吳王位。士誠怨達
識，不為用。使弟士信面數其短，勒自陳老病，遣之于嘉興。
士信竟自為丞相，復勸御史大夫普花帖木兒于紹興求

定授王爵。普花不從。徃逼其印。普花封其印庫中。曰。即辦頭。不辱印。從容賦詩訣。妻子仰藥死。達識。出中愧之。曰。大夫且死。吾何生為。亦仰藥死。士誠。遂。專有江浙。于是遺士信。連。寇。長興。不利。己己。復。敗。耿炳文。每破之于城下。吳兵自是不敢。遠。窺。長興。叛將謝再興。以李伯昇帥師二十萬。圍諸全之新城。預置州縣官屬為必拔計。胡德濟挫其先鋒。閉門嚴備。李文忠遺張彬走浦江為聲援。而大兵抵龍潭。陳既交。身陷其中。堅敵為披靡。德濟亦自城中出。合擊之。走伯昇。流血膏野。溪水盡赤。至是始大服。胡深築城之。議。初。誠。用。兵。恃。其。弟。士。德。及。部。將。史。椿。為。謀。畫。自。士。德。為。

我鹵不食死椿以讒出守淮安。又襲殺之。是後兵多窘敗。更委政于士信。士信驕。軍中常以婦人樂器自隨。日樗蒲蹴鞠。酣飲為樂。及為丞相。治第東城。所任王敬夫等三。泰軍皆諂佞。儉邪。專事蒙蔽。太祖曰。彼沉湎忘機。不亡何待。士誠所轄。南至紹興。典方國珍界。北有高郵。通泰。淮安。徐宿。濠泗。又北至于齊寧。太祖計先取淮東。剪士誠羽翼。然後專事浙西。命徐達等克海安。趨泰州。屢敗其援兵。而吳盛舟師薄海安。駐范蔡港。以逼我。太祖知其詐。遣諭達曰。敵非真有攻江陰直趨上流之計。不過欲分我兵勢。使備水寨。而疾走陸寨。搆吾之虛。亦誘我兵深入。若去泰州遠。

首尾遙濶不及救宜令遇春駐師海安廖永忠還禦水寨
大軍慎勿輕動必克泰州如期泰州下分兵徇興化
進圍高郵復命同知馮勝以所部節制高郵軍而達還軍
泰州再諭以持重是時士誠敗宜興急達還援擊敗之復
圍高郵吳又出數百艘馬馱沙汧流窺鎮江太祖命吳良
嚴兵以待親督軍援之返及浮子門縱火大破之遂以指
揮孫興祖守海安而進遇春為高郵聲援先是達援宜興
時馮勝代圍高郵誤聽吳將俞忠詐殺我受降千人及達
還并兵勝憤甚鼓軍士一戰下高郵乃命遇春守泰州而
達進取淮安俘獲甚衆守將梅思祖以城降并獻所部四州

淮地悉平。時濠已為吳守，攻克之。而徐宿二州皆下。進取安豐。江北之戰，迄于成功，皆出太祖遙畫其料事。應機不爽。銖紮乃議平吳。七月，拜徐達大將軍，常遇春副之，率師二十萬以行。榜士誠八罪，其略曰：惟茲姑蘓張士誠始私販而行劫，繼負固于海隅，罪一。詐降于元，坑其叅政趙璉，囚其待制孫撫，罪二。既襲浙西，兵不滿萬，地不足千，僭號改元，罪三。親弟被執，坐困楊苗，首尾蓄縮，旋復詐降，罪四。陽奉元，朔陰擅假王，連識見幽，左丞被害，罪五。擅據江浙錢糧十年，不負罪六。挾印求封，丞相南臺一再烈死，罪七。恃其地險，食足，誘我叛將，掠我邊民，罪八。因屏左右，諭達

曰熊天瑞意快快此往必殺吾陽如副將軍計直搗姑蘓使彼走告士誠而吾師竟趨吳興出不意于是達等出太湖連擊吳將尹義石清等破擒之而天瑞果叛去疾以長槍軍出奇搗吳興城下圍吳叅政黃寶及元帥以下二百餘人吳乃遣李伯昇共城守閉門不戰別遣呂珍及五太子等益兵六萬來援五太子士誠養子梁紇也身短小英悍平地躍起丈餘善泅水珍等出我師之後也于舊館築五壘自固常遇春湯和等更以奇兵出大全港復統敵背絕其援路尋擊走潘元祐于烏鎮士誠親率援師遇戰于皂林之野復大敗之會大風雨遇春督剗船數百突東阡

幽吳將徐志堅。是時潘元祐以赤龍船兵屯平望。而別舟
潛烏鎮。欲援舊館。遇春由別港追襲之。縱火平望。屯資仗
一時盡。遇春已下烏鎮諸寨。乘勝追至昇山。盡破王晟陸
寨。吳將戴茂及晟皆降。復攻水寨。顧時故引數舟繞敵。上
易之。俯視而笑。突數人躍其舟。大呼。劊擊敵。皆潰走。遇春
與五太子戰。不利。薛顛飛舟互擊。盡敗其衆。呂珍等不能
當。乃以舊館降。得兵六萬。城中震恐。李伯昇曰。太尉待我
厚。我何忍背之。抽刀欲自殺。左右抱持。得不死。與守將張
天麒等皆出降。先是李文忠別將降吳桐廬。遂掠富陽餘
杭。進兵杭州。平章潘原明遣使詣軍門納款。執我叛將劉

震○蔣○英○等○以○降○而○左○丞○華○雲○龍○攻○嘉○興○克○之○紹○興○亦○下○達
乃○引○兵○向○姑○蘇○分○門○而○軍○架○木○塔○與○浮○圖○等○築○臺○三○層○下
瞰○城○中○設○襄○陽○礮○以○射○之○其○風○煽○人○無○不○立○死○士○誠○窘○欲
懷○寶○玉○蹈○海○去○不○可○得○開○婁○門○遮○我○軍○指○揮○茅○成○中○槩○死
圍○益○堅○時○太○倉○崑○山○及○崇○明○嘉○定○松○江○等○路○皆○聞○風○下○平
江○益○蹙○吳○元○年○吳○民○錢○崔○臯○反○上○海○率○鄉○兵○持○農○器○稱○義
師○捷○起○三○萬○人○追○殺○知○府○苟○玉○珍○逼○華○亭○知○縣○馮○榮○獄○通
判○趙○徹○驅○妻○子○十○八○人○赴○水○死○達○遣○指○揮○葛○俊○討○平○之○崔
臯○伏○誅○初○上○海○知○縣○祝○珽○被○執○不○肯○屈○曰○不○聞○單○騎○入○境
警○營○屈○渠○帥○祝○奉○使○乎○寇○不○敢○逼○乃○合○巨○姓○起○兵○復○上○海

太祖圍士誠久。諭之以書。士誠憤不答。乃以精卒奔常遇春。閭門營遇春截北濠。與搏。士誠自出山塘為援。執銳甚。塘路狹。苦進退。遇春撫王弼背曰。前之應聲徂擊。吳兵敗。溺死沙盆潭甚衆。士誠馬驚墮水。幾不救。肩輿入城。益憤。降將李伯昇使吳客反覆說士誠。士誠仰首沉慮良久曰。君且休。吾熟思之。終疑莫能決。于是復突胥門索戰。鋒銳甚。遇春禦之卻。忽士信城樓大呼。軍士疲矣。鳴號歛入。遇春乘勢奮擊。大敗之。攻益急。士信會食城上。左右方進。梳挑未及嘗。猝飛礮碎首死。士誠益蹙。蓋吳君臣嘗以寬得民。故圍城日久。民不內變。潘元紹方戰歸。召諸妾謂曰。吾

太尉愛僭受國重寄。脫有不宿。若等宜何為。一最少段氏
跽請死。輒入室自縊。又六人亦相繼死。浚潯陽張羽為七
姬權厝志。表其烈。叛將熊天瑞。猶教士誠作飛礮。我師多
所中傷。九月。達破荊門外城。遇春亦下閭門新寨。吳將唐
傑。周仁。徐義。潘元紹等皆降。城破。士誠猶使副樞劉毅收
餘兵二萬。親率之戰。萬壽寺東街。復敗。毅降。初。士誠見
勢窮。謂妾劉氏。我敗死矣。若自為計。劉曰。噫。妾死豈負君
至是。賂乳媪負其二子。逃積薪齊雲樓下。驅其群妾侍女
登樓。令養子。夜保。縱火焚之。亦遂自經死。達遣李伯昇往
諭意。士誠方拒戶。自引。伯昇急決戶。令降將趙世雄抱解。

之氣絕復甦。潘元紹脫譬者數四。終瞑目不答。以舊盾昇
出葑門。至舟中。不飲食。及龍江。堅卧不肯起。昇至中書省。
相國李善長與語。亦不答。及伏謁。不肯仰視。曰。天日照爾。
不照我。已而言不恭。賜弓絃自盡。年四十有七。士誠兄弟
驕佚。闇于斷制。權為文吏所竊。築景賢之樓。開弘文之館。
名士之至。輒厚贈遺。而舊將多見踈失。上下乖疑。或奉遣
當行。輒病不應。邀求滿意。乃一出。軍寡紀律。槩以遊談宴
博。至喪師失地而歸。往不聞。上下慢弛。終以是敗。凡獲
官屬諸將。較以及流寓。共二十五萬。并元宗室神保大王
黑漢等。皆送金陵。叛將熊天瑞。伏誅。莫天佑者。猛有力。元

末結鄉民自保。及士誠陷常州，不肯附。攻之不勝。後士誠受秩為元太尉，乃就降。以元僉樞察院為士誠守，無錫至。是亦以城降。吳地悉平。師還，論功。戒張氏逆樂，不為設宴。諭諸降將當如吾濠泗故交，勤苦相保，毋為故習。永享爵位。諸臣頓首受命。

論曰：勿以白駒小四之專自守也。守之不堅耳。方太祖渡江時，士誠已奄有常州及江陰長興諸要害，嗣取紹興。得諸暨為門戶，所為先着入手。碩乃輕以委人。于是勞逸動靜，不得自裁。譬之頂頂已拱手授人，尚何恃哉。或曰：始既不夾擊龍江，既又不乘募鄱陽。張誠失策。夫

金陵失守。燕漢蔽平江。必隨之。虞虢唇齒之說也。觀望不起。士誠自固之道。亦正在此。獨太祖之規取張氏。似過于持重。大異鄱陽時。吾以北定中原之至計。聲與實資之矣。告誠始之。仁善不殺。持戟而待之。服則已之。使江淮以北。跋足恐後。此聲之說也。鄱陽一戰。破傷不少。今以吳之材官。物力善全之。皆吾用否。如兩手之自擊。互激不可任。此實之說也。是役始于丙午之十一月。逮明年之九月。而浚下之。然則太祖方有事。姑蘓其揣摩。已越燕冀而北矣。

夏明玉真

明玉珍一名旻珍避諱更玉真隨州人世農家身長八尺目重瞳務信義為鄉黨所服元至正十一年辛卯汝穎兵起玉真團鄉兵青山為屯長天完徐壽輝僭號都漢陽招玉真授元帥隸將軍倪文俊部鎮沔陽與元左丞哈林禿戰湖中飛矢中右目傷改號明眼子值歲饑乙未春以兵買糧夔州還時元行省右丞相完者都鎮重慶行募兵義兵元帥楊漢帥所部五千人歸之屯城外單騎入謁完者都心忌漢謬款曲留飲且殺之漢覺脫身走部兵下峽遇玉真告哈林與完者互不下可圖玉真未決萬戶戴勝更

日事倖耳。分兵半以糧。還汴。留其半攻重慶。事濟。進窺蜀。不濟。歸。無害也。果乘不備。掩其城。完者都夜遁。虜哈林送漢陽。父老迎入城。禁侵掠。市肆晏然。降者相繼。天完進玉真隴。蜀右丞相。戊戌。完者都自果州來攻。軍嘉定。玉真義弟萬勝。智勇絕。擣嘉定。破之。完者都及叅政趙平。即万革等被獲。皆死之。世称三忠。道出瀘州。部將劉澤民。荐元進士劉楨才。可佐謀議。玉真躬訪。與歸。喜曰。吾親見諸葛。來及陳友諒。殺文俊。玉真已據成都。四川諸郡縣皆附。庚子。友諒執壽輝。玉真謀以兵討之。不果。乃東守夔。閬。絕不與通。立廟祀壽輝。遣兵取元隴州。收鞏昌。分置守戍。自称隴

蜀王。癸卯正月。稱帝于成都。國號夏。改元天統。立妻彭氏為皇后。子昇為皇太子。倣周制。設六卿。又置翰林院。承旨。學士。國子監等官。去釋老二教。止奉彌勒。賦稅十取其一。開廷試。賜董重壁等及第。出身有差。置雅樂。供郊祀之祭。諸所裁定。皆出劉楨手。命司馬萬勝。司徒鄒興。及芝蔴李。三道攻雲南。萬勝獨深入。走元梁王孛羅金馬山。據其城。復敗之于關堆。鄒興克巴州。乙巳。更六卿為中書省樞密院。以戴壽萬勝為左右丞相。遣江儼金陵通好。獻良馬。太祖貽以書。戒征南之多殺。萬勝攻興元。踰年下之。丙午春。王真卒。年三十有六。王真頗節儉。好文學。蜀人安之。子昇。

即位纔十歲。改元開熙。尊母彭氏為皇太后。與丞相共理
國事。都察院張文炳松怨萬勝。潛使王真義子明昭。矯太
后旨殺之。以劉楨代為丞相。吳友仁痛萬勝功臣無罪。死
輒稱其昇命。戴壽討之。友仁曰。旦誅昭。吾夕至。壽乃奏誅昭。友
仁入朝謝罪。四月。遣其學士虞其來聘。太祖命侍御史蔡
哲報之。挾一史行。圖其山川險易。歸。洪武二年乙酉。太祖
既克元都。閱陝旋定。夏聞之。懼。遣使來貢。太祖答書。引公
孫述。李特。孟知祥。勉以善守。十月。遣湖廣平章楊璟使蜀。
諭昇入朝。昇帝于群議不決。庚戌四月。大將軍達征元定。
西王保保還。命傅友德為前鋒。李思齊左君弼趙瑋等自

秦州南出一百八渡入沔州。別遣金興旺、張隆由鳳翔連雲棧入。合兵攻夏興元。克之。七月，夏遣使獻木，而令吳友仁將兵二萬寇興元。守將興旺等總三千人，擊敗之。明日復戰，興旺面中一矢，不退。復敗之，斬首數百級。友仁益決濠填塹，攻圍急。城中發礮石，中敵多死傷。大將軍得報，還屯益門鎮，遣傳將軍夜襲木槽關，列炬斗山。友仁見之，大驚，乘夜遁去。己而夏瞿塘將莫平章犯歸州，報興元之役。守將陳聞出禦，大破之。四年辛亥正月，太祖親郊廟，告伐蜀，以中山侯湯和為征西將軍，江夏侯周德興、德慶侯廖永忠、左右副之，率京衛荆湘舟師，由瞿塘趨重慶，鎮川侯

傅友德為征虜前將軍、濟寧侯顧時副之、率河南陝西等處步騎由秦隴趨成都、楊璟與都督僉事王簡率水陸師以從、諭和等曰：天下大定、唯蜀未平、師行之際、在肅士伍嚴紀律以懷降附。昔王全斌可以為戒。又諭傅友德、蜀人聞吾西伐、必固瞿塘與金牛以拒我師。我出不意、直擣階文門戶、既陳心腹、自潰兵貴神速、卿等勉之。命宋國公馮勝城陝西、衛國公鄧愈練軍馬于襄陽、給餉征蜀將士、時明昇徙都重慶矣、遣左丞相戴壽、平章鄒興副樞飛天張平章莫仁壽等果悉銳守瞿塘、扼三峽、北倚羊角山、南倚南城寨、引鐵索為飛橋三、平木板其上、置砲石水竿橋兩

岸備禦甚固，亦果遣兵北守金牛。二月，湯將軍取夏龍伏，
盪奪覃屋、溫湯、閼。三月，楊子章次夔州大溪口，分兵赤甲
山及白鹽山，兩道入，而身與王簡等進攻瞿塘，戰不利。征
西將軍曰：「今失勢，仰攻寔難，不若俟秋後水落稍便。」征虜
前將軍至陝，揚言出金牛，謀青州。果陽空虛，階文守備單，
遂捷趨陳倉，選精銳五千，間緣山谷，走晝夜，直抵階州。而
大軍繼其後，一戰敗之，虜其將雙刀王等十八人。平章丁
世真遁去，階州下急進，距文州三十里。世真斷白龍江以
拒我師，友德脩橋以渡。世真復屯險五里關，成都督同知
汪興祖中飛石死。友德怒奮擊破之。世真復數騎遁去，拔

女州命朱亮祖益助友德進克隆州。徇下江油彰明二縣。都督藍玉夜襲綿州。乘守將向大亨內擾。綿州下兵至漢江。不得渡。即軍中造船百餘艘。船成以水牌數千書克階。文。日月。授江報。瞿塘將士夏戴壽等聞階文破。急抽瞿塘精兵還援漢州。留老少守關。兵未至而友德已逼漢州。令曰。援兵遠來。勞困。大亨新衆。洶洶一戰。可克也。果敗戴壽兵。拔漢州。于是壽大亨走成都。臨江侯陳德追敗之。獲其卒三千。馬三百。復蹙友仁于古城。斬虜二千餘人。友仁入保寧固守。友德兵乃抵成都。夏金州守將俞思忠等率其官屬軍民三千三百人來降。提至京師。先是征西將軍和

克歸州。烽火山寨。分遣南雄侯趙庸、宣寧侯曹良臣及周
德興、悉平諸洞寨。庸至中途。返太祖以和等逗遛。賜詔激
之曰：傳將軍冒險深入克諸州。次于平州。蜀已失險。今侯
水落。豈不誤機事。前語不聞乎。何怯之甚也。和猶未決。及
得木牌。瞿江乃與永忠進白鹽。伐木開道。趨夔州。分軍為
前後陳。夏守將鄒興出拒。前軍既接。後軍分兩翼旁擊之。
興敗。明日復併兵攻之。殺溺甚衆。進瞿塘。暗遣壯士數百。
梟舟踰山嶺。出其上流。人持乾糧帶水筒。以齊渴。水青
莎。象州木色魚貫出巖石間。夏兵不覺也。度其已至。乃盡
銳出墨葉渡。夜分兩道走水陸營。船頭皆裹鉄。置火器而

前。黎。明。夏。兵。盡。銳。逆。攻。則。已。破。其。陸。寨。矣。比。上。流。出。所。昇。
舟。揚。旗。鼓。譟。下。夏。兵。出。不。意。大。駭。下。流。舟。師。並。進。飛。橋。鐵。
鐵。索。須。臾。鎔。斷。夾。擊。大。破。之。酋。其。將。蔣。達。等。八。十。餘。人。斬。
首。千。餘。級。鄒。興。中。火。箭。死。飛。天。張。道。去。求。忠。入。夔。州。與。湯。
和。約。步。騎。舟。師。並。會。重。慶。求。忠。進。搗。銅。鑼。峽。夏。主。昇。大。懼。
右。丞。劉。仁。勸。昇。且。奔。成。都。昇。毋。彭。氏。泣。曰。勢。且。旦。夕。徃。成。
都。何。為。遂。決。計。納。款。求。忠。須。湯。和。至。昇。乃。面。縛。啣。璧。與。其。
毋。及。群。臣。詣。軍。門。降。承。制。撫。慰。下。令。將。士。不。得。侵。掠。先。是。
文。州。復。為。夏。丁。世。真。所。陷。指。揮。朱。顯。忠。曰。豈。有。弃。城。朱。僉。
事。哉。累。創。血。戰。力。竭。為。亂。兵。所。殺。征。酋。前。將。軍。以。兵。援。之。

復走世真。七月、圍城都。壽大亨等以象載甲士列陣以拒。友德令弓矢火器衝之。象反走。蹂夏兵。夏兵多死。會重慶。捷至。壽等知昇已降。乃藉倉庫。遣子納款。次日、詣友德軍門降。得士馬三萬。分兵狗州縣之未附者。夏崇慶知州尹善清獨拒戰。擊斬之。乙丑、明昇等至京師。命禮官定受降禮。禮部攷孟昶入宋故事。擬昇午門外進表待罪。宣制釋罪。賜冠服。引入丹墀。聽宣諭。太祖曰。昶專制國政。所為多僭。昇年幼。事由臣下。宜免其叩頭伏地上。表請罪之禮。授昇為歸義侯。賜冠帶衣服。及居第于京師。已而夏丁世真。猶率餘衆寇秦州。為其帳下小校。所殺中書省。奏請行賞。

太祖曰殺本曾不義何賞而夏吳友仁尚據保寧以抗湯
傳合兵共克之執友仁蜀地悉平十月班師諸將各上所
獲凡銀印五十八銅印六百四十總制府七元帥府八宣
慰宣撫司二十五州三十七縣六十七官吏將士五萬九
百八十馬驢一萬三千八百餘匹以吳友仁始寇漢中起
兵端誅之餘發戍徐州低昂諸將傳第一廖次之顧時以
下逆弒贈汪興祖東勝侯
論曰元末鍾大明韓小明大小皆明也而吳玠以明眼
子傲蜀中有眼無眼皆明也槌以啓發奎婁之運卒也
李闖六失一眼與王真同暗而因而失明曷与李得失

異○何○哉○是○真○之○封○瞿○塘○以○義○終○壽○輝○事○頗○正○願○減○稅○下
賢○留○心○禮○樂○郁○然○成○文○諸○偏○安○之○主○不○及○也○太○祖○手○畫
階○文○之○策○固○自○易○博○而○難○湯○走○間○與○試○險○未○可○以○一○律
論○矣○李○廣○已○急○過○函○而○改○別○道○命○也○夫○

○大○之○東○西○自○易○射○所○致○象○五○個○與○治○創○未○可○以○一○事
○實○留○以○對○繼○沐○榮○茲○及○請○謝○矣○主○下○必○世○大○勝○古○其
○異○而○於○是○其○三○任○聖○嗣○以○差○餘○表○聖○事○就○五○節○漢○其○下

罪惟錄列傳卷之七

逸運外臣列傳摭論

殷有三仁。兩受周封。與夷齊始末頗異。而於是二心。其君者有辭矣。而非也。微之抱器有之。古得人國無盡戮。其至親之法。不過去位遜荒。曰歸周。曰人之言也。時武庚封殷方在三監。抱器之時。豈預知其久終。而思得地為宗祀計。曰以存宗祀。後世之言也。箕陳洪範。未嘗受周封也。及後東蹈海。從之者衆。周不得已。因而封之。然則箕無賴乎。周之封也。周人曰封之。耳。狡童之歌。語氣似指武庚。舊相傳似毒誓其故君。非情矣。白馬之朝。其後為宗祀屈也。宣尼稱

殷有若曰。唐不得而有之。周不得而有之。無惡乎。其不有之。益以見周之大。云元末諸臣就明。不受官。贊密畫至計。預備禮樂。充考官。考大典。當從為周。陳洪範例之。至於稱病不起。自晦為狂人。匿不見。當從遜荒例之。其受官。故浮相好。稱上功德。又當從洛民頑例之。明不得而有之。無惡乎。其不有之。益以見明之大。云若夫朝周而遇朝歌。從外國之後也。亦例也。而諸逸運之臣不入例。

逸運外臣列傳

秦從龍

秦從龍字元之洛陽人仕元累官和林行省左丞改江南
行臺侍御史會兵亂避居鎮江丙申王師下金陵大將軍
達且狗鎮江太祖謂達曰吾聞有秦元之者才器老成勿
犯其門先令從龍從子求之在軍中者歸道意尋令兄子
文正奉金綺即其家聘之從龍與妻陳偕來太祖躬迎之
龍江與同處王綵帛家朝夕訪以時政從龍盡言無隱既
而太祖即元故御史臺為府居從龍西門外用為南臺侍
御史不受事無大小悉與諮謀密書漆板問答左右不知

也。常稱先生而不名。或一至其家。禮遇甚厚。乙巳。告還鎮江。握手如送之。病卒。年七十餘。上聞驚悼。已而臨哭之。命有司厚卹其家。

論曰。以白衣陪帷幄。古有之。乃用勝國遺老。曲贊朝夕。必不受組。而安之不疑。則更難。朝夕此不受組者。而亦安之不疑。却不使疑。從龍知天。能不虧其節。太祖下士。而有遇之形骸之外者矣。遣子奉縞。躬迎龍江。無異三顧隆中。然而伏龍固未嘗蒙一命。誰家也。以潛溪之篤學。而竟不終元之仕。元位不早。故未常于底定。扶救之績。稍有成驗。輒以隆于涓濱。萃野之列。此中相信特微。卒

臣○不○蔽○者○歟○
之○禮○遇○不○衰○
驚○悼○臨○哭○
同○于○中○山○
諸○王○
嗚○呼○
此○所○謂○帝○

○百○不○痛○來○燒
○上○鮮○豈○不○寒○驚○軒○窗○吳○獨○于○中○山○歸
○王○高○平○長○岳○詩

陳遇

陳遇字中行、先曹人、高祖義甫、宋翰林學士、徙建康、父辛
之、元淮南益課提舉、遇資稟純粹、博通經史、尤邃先天之
學、元末為江東明道書院山長、温州路學教授、兵亂歸建
康、扁其室曰靜誠、人因號靜誠先生、每夙興焚香叩天、願
蚤生聖人救世、太祖渡江、御史秦元之荐其學行才識、以
書聘之、曰、予惟胡元入馭、天厭其德、豪傑兵興、共爭疆域、
黎庶流亡、天命歸予、提兵東渡、盜取臺城、歷思自古創業
誠難、獨理用是側席以求、爰定太平、先生世居江左、才兼
文武、超越等倫、賢哲天生、實我良輔、倘以生民為念、應天

順人敷陳遠略。非款奮爪牙以黷武。其實資文德以安民。助成大業。列爵胙土。以報功德。與國終始。豈不偉與。拱俟車塵。起展素蘊。蓋丙申四月八日也。既入見。稱先生而不名。輒預帷幄。益見親信。幸其第者三。甲辰上即王位。賜冠帶。授供奉司丞。不受。戊申。即帝位。陳治道。以復中國。先王禮教。為首務。三授翰林學士。不受。乃賜肩輿。選衛士十人。贊其出入。洪武庚戌春。承命往兩浙廉察民隱。還朝。密有所陳。賜金幣。除中書左丞。力辭。辛亥。召對華蓋殿。賜生命草。平西詔。賞賚有加。授禮部侍郎。兼弘文館大學士。復辭。時西域進驪馬一。甚奇。引漢故事。以諫。上悅。除太常少卿。

又辭上。不許。沉吟良久。從之。戊午。復除禮部尚書。固辭。上嘉。嘆。連。稱。君子。且曰。士之有志節者。功名不足。以介意。其卿之謂乎。朕不強卿。以成卿之名。自是不煩。以務每。從容燕見。賜坐侍食。談說經史。古今成敗。孝弟仁慈。事。時。功臣。每有過。謹力為。解釋。得從寬宥者。至多。上嘗諭曰。先生有子能來帶刀。備衛士之缺。對曰。臣三子皆幼。俟其讀書。成立。以圖報効。當是時。罷。遇之隆。雖徹侯上公。無與比者。甲子秋。病作。詔太醫。撫視。尋卒。年七十二。上震悼不已。諭。賻。祭。加東閣。秘器。上所賜詩文。翰墨甚多。并。遇。所著述。嘗。燬。于火。故。所存無幾。子欽。誠。俱蚤卒。弟恭。字中復。嘗。隨。遇。侍。

上由卿貢仕至工部尚書

論曰陳汝輝辭于始而卒就辟乃以迂滯投金水橋以
死。或謂靜誠非真辭爵論六過矣夫以故元遺
經果能逃死而又不膺新組廁諸公卿之列二十三年燿
然于志豈易言哉而所為不強卿以成卿之名三代以
下開創之主不聞有此一言遇精兵刑曆數之學蕙善
繪事貌帝始為一時特妙李卓吾贊藏書稱遇為名臣
第一而主論似偏然正已物正天子誠不得而臣之者
矣

伯顏子中

伯顏子中者其先西域人宦江西家焉子中少好學業成
五舉有司薦不第行省辟授東湖書院山長遷建寧路教
授慷慨談兵饒技略會江西盜起行省馳拜子中都事使
捍治贛州子中從諸生趨贛贛已破為漢子中倉率募吏
民與漢兵鬪城下不勝吏民死且盡子中獨身間道走閩
時閩帥陳友定方聚兵欲以固守報元薦授行省員外郎
子中出奇計復建昌因浮海抵大都獻捷遷行省郎中再
進吏部侍郎持節發廣東何真兵使救閩至則我將軍廖
永忠已破降真子中跳墮馬折一足不死致軍廖將軍欲

脇降子中不屈義而釋之。遂變姓名。冠黃冠。游行江湖間。
元之故臣義人哀憐之。為傳致食。太祖數徵求。子中不得。
則錄取妻子。沒掖庭矣。子中竟自匿。不顧曰。吾元臣。死元。
分耳。購鳩自隨。會事稍。鮮子中乃遁還里中。而上令郡。
國臚舉。故元耆碩。不應者。坐大辟。論會有言子中歸狀。上。
使。持詔。以幣聘。子中使者至。子中喟大泣曰。死。晚矣。乃。
以詔。汚我歌詩。七章。自鳩死。
論曰。子中猶之死元節者也。廖將軍以其不屈義而釋。
之。比于太公望之扶叩馬。凌世稱商山二義。以周開國。
而存商山二義。周之大也。釋子中以見有明之大也。物。

以徵和繼之幣聘原非得之其心誠以其奇計可任而終
不可得歌詩七章其音哀以切和之危太撲履聲故自不
同是年上語禮部為國得賢不如進賢朕臨御十有二祀
矣諸博學老成匡德藏光其于窮餓不肯輕出其志心推
訪于是江西布政使沈立本下聘子中云

簡祖英高
彬

簡祖英，廣東東莞人。元江西都省員。從何真起兵，障鄉里。王師既下，廣東廖將軍求忠徵祖英詣闕，上宴勞之，賚以金帛。授建平知縣。祖英上表謝。臣九歲失怙，長食元祿。為何真參佐，廣城被賊，一門妻子五人殞命。臣母被賊拘留，幸遇聖朝維新，狗鼠血銖膏鏡。臣母得以生還，叛烏再劫。臣雖九死，其何能報。陛下錄臣，寄以民社。此臣効命之秋也。而臣俛頽慙慙，不敢受命者，寔以常事故元瑕。曩已深。臣今年四十有九，而臣母八十有一矣。陛下誠孝治天下，仁懷遠人。憐西日之短期，子北堂之私歡。臣母子拭目清。

平謳歌日月上憐其誠俯從之其時何真却又有南海人
高彬者故為萬戶至是行賈走江湖朝命徵為武職固辭
不受久之把筆學詩隱居課易

論曰祖英同事何真、欵而祖英被徵不屈陳情書稱
故元而不云偽朝執不撓之節較前共之陳情而更亮
以一、吳、俯從其志以孝示天下執而彬課易知興衰得
失之故矣

蕭野史 卷之八 六 西 陳 晉 貞 錄 以 直 誠 之 事 陳 野 史

蕭野史 卷之八

蔡子英

蔡子英，永寧人。元末，嘗舉進士，擴廓丞相開府河南，辟參軍事，累荐遷行省。泰政猶不離丞相幕，從定西，為我兵所敗，與丞相失，單騎跳關中，轉入南山，久之，為人所覺，捕詣京師，渡江，一夕脫去，變姓名，閔中，為人質。春時，即求元遺臣急復迹，得之械湯，將軍和長揖不拜，湯將軍怒，抑使屈膝坐，不屈，火灼其鬚，且盡，嫚罵自若。子英有妻，流洛陽道中，求見子英，子英叱不顧，曰：「吾故無妻。」已，逮至京，太祖令置外舍，沐欲官之，子英退，而因舍人上書曰：「皇帝恢廓宏度，曲宥亡國之臣，不自死慙，負皇帝往者，軍敗見收，漏命。」

又下荆棘之恩延及七載重勞吏卒搜捕自外大化皇帝
不即下司貶使得以巍冠待罪外傳傾否賜新授骨封肉
死且不朽臣有痼疾迷于心志藥石匪解竊惟少本書生
奪志行伍遇辱北帥知若仕底七命躍馬食肉十有五年
進不能効尺寸陪國家之論退不能畢命枹鼓愧封疆之
臣一違板蕩覲顛失節皇帝既丕昭武功下有司旣學校
褒予死節風示後世豈以奢俊盈列侍臣為多令亡命倖
鹵玷維新之化哉皇帝幸哀憐臣母血藁樹而以投瘴海
禦魑魅無人之境臣若茹薺書上太祖益重之陰戒舍人
謹事予莫止恙以旦夕問起居毋令天下謂我有殺義士

名自是每夜深號不止。舍人危之。子英曰：吾自念故主身，乃具扶聞。上嘆曰：吾何苦一蔡子英彼喋。泉下誓我哉。縱出塞，追故元主于和林。

論曰：子英徒自晦耳。未嘗有所為也。以嫚罵之後，沐外舍而欲官之。開國立賢無方，大都出此。子英所上書，婉折而嚴，痼疾迷心一語，千載不化。若夫縱出塞使追故主，譬之周初善夷，齊與居封武庚于殷，使歸事之，則夷齊猶以武庚後周得封，不如採薇之為愈也。此時和林未款，子英較商山差幸，以為得依故南面我者，而未常屈。

張昶

張昶宛平人。以故元戶部尚書出使方國真海上。我游卒
獲之。以聞。上愛其才。傾心任之。使參政中書。凡軍府事。為
昶裁定者十七。上倚昶日三接。昶故盡心為上摹畫。即獨
取上旨行之。或不至。聞白。李善長楊憲與同在中書。頗浮
相好。昶遂私語憲。吾故元臣。意不能忘。故君妻子存沒不
察。憲佯為惻然。昶益吐真。久之。聞元主以昶死。贈昶官謚。
擢用其子。昶益愧之。遂陰欲弱明以報元。詐使人稱上功
德。勸以及時娛樂。劉基曰。是欲為趙高也。焚其書。昶皇惧。
不自安。意欲中基自固。不得間。上遣元平章長壽丑的歸。

元祖乃潛附書請王擴廓兵襲金陵。憲侯祖病，勾得祖手牘，遂發之。而所使上書齊翼叢者，矯上旨，劾基。事亦敗。并祖礫於市。

論曰：高漸離頗贊荆卿匕首，千古望見。光武未為蕭王時，涕淚枕蓆，不忘兄弟之仇，而隱忍致命。自平王即後，然後不反兵革，與張祖之謨畫，裁定有年，跡相近。不成命也。景御史之委蛇侍班，倘非緋衣之故，得行曹沫之劫，未可知。與祖內分而志節則一。

楊維禎

王

劉子徐大年

沈夢麟 聯克 蔡

王恭

陳亮 國 王 黃 汪 克

寬

趙 廉 朱 石

梁寅

趙芳陳謨

南

俞希魯

楊維禎字廉夫。浙江會稽人。通春秋。元末。署天台尹。改錢

清場鹽司。歷江西儒學提舉。未上。會兵亂。棄官。縱將山水

間。自稱鉄笛道人。吳士誠聞其名。不能屈。撰五論示以成

敗。順逆之意。國初。應召。脩纂禮樂。僅百日。疾作。作老婦。碎

見志。上笑而遣之。還雲間。九山行窩。疾革。猶援筆撰歸全

堂記。擲筆曰。九華伯潘君招我。泊然而逝。所著有四書一

貫錄。五經鈴鍵。春秋透天閔。禮經約。君子議。歷代史鉞。補

正三史綱目。富春人物志。諸集數百卷。為文以先秦兩漢

為准。於詩尤號名家。晚年益放達。酒酣耳熱。令侍兒誦白雲之詞。倚鳳琶和之。所藏名畫。西隣竊之。已露曰。彼所好不俗。謝不取。或偽為其文。得金曰。誠為之矣。獨嘉定王彞字子常。學以自得為主。叱廉夫所著為文。妖預修元史。以母老乞歸。卒不終。水東日記載廉夫正統辭。為萬世公論。

劉子字允恭。江西永豐人。元曾魯稱于嗜義如飢渴。右丞余闕甚奇之。荐授泰和學正。既而曰。中原亂將作矣。謝官歸。因初徵。以病辭。再徵。至講書。稱旨。歷考試福建廣東。上欲官之于伏對曰。臣前朝曾應進士舉。試南宮。不利。今幸逢有道之朝。豈不知稍放奔走。但大馬齒衰。勉強應命。終

負大恩。固辭上熟。視曰：誠老矣。蓋賦詩見志。詩上：悅命。太常賜酒放還山。

徐大年，浙江淳安人。奉詔預脩元史。上成，命官之。大年以

老病辭。乞還鄉。詔由與宋濂、蕙脩日曆。大年長於本末義

例。識會通首尾。無銜決之患。事畢，賜金帛還山。又沈夢麟

元末為武康令。入明，五司閩、浙、文、衡。一主會試。九十三而

卒。滕克恭為翰林學士。入明，一主河南鄉試。一百餘年而

卒。咸不就職。

王恭，字安仲，福建長樂人。與閩縣周公、鄭定、福清林鴻、侯

官黃公、王褒、唐泰、永福王偁及同邑陳亮、高秉、號十才子。

恭自號皆山樵者。強起。預修永樂大典。王偁戲之。子無以
會稽章紱。未耶。恭謝曰。山中芥柯。幸自無恙。大典成。試詩
高第。授翰林典籍。不就。廬陵解縉稱之。以為朝陽之鳳云。
十人中。亮字景明。奉召。謝曰。唐堯在上。下有箕穎。再召不
起。因作讀陳搏詩以見志。構小樓曰楮玉。充四方名書畫
其中。預九老社。詩有陶孟風。鴻字子羽。每護其党。曰。此自
我家詩。歷膳部郎中。定字益宣。善擊劍。工篆隸。嘗為陳友
史記室。歸朝。仕國子助教。褒字中美。預高廟寔錄。及永樂
大典。歷漢府紀善。而秉字彥恢。後改名迂。禮淹博。工書畫。
事親孝。所選唐詩品彙。唐詩正聲。具有倫鑒。與二公表偁。

俱不仕

汪克寬字仲裕，祁門人。元鄉荐，著春秋經傳附錄，纂疏，易有程朱傳音義考，詩有集傳音義會通，禮有禮經補逸，綱目有凡例考異，學者稱環谷先生。預脩元史，成有旨祿仕，力辭不受。又同脩元史，趙樵、朱右、朱世應咸不受官，放歸。

梁寅字孟敬，江西新喻人。元鄉薦，貫穿五經，世稱石門先生。又稱梁五經，隱居教授，著周易叅議、詩書演義、周禮考註、春秋考義、漢唐以來君臣事畧、元史節要、國初徵考、禮制成，不受職引病。或有入官，就寅請教，曰：清慎勤，居官三字符也。趙訪，字子常，南直休寧人。元末不事制舉，就學於九江黃

芟望得聞易春秋疑義專求放心時五南大亂起輔汪同
以兵保鄉里嘗論用兵不能據天下大勢以定攻守之宜
不求智勇任將帥而使臺省貴人郡縣俗吏共持軍旅之
權為南中時弊丙申太祖克定郡邑訪寓柯山屢徵不起
繼以議礼召復辟預修元史竣事請歸卒訪於春秋謂左
杜主史釋經而不知筆削本旨公穀知求筆削之旨而不
考魯史舊章俱不能無弊迺離經析意分為八類辨而釋
之名春秋屬辭以著聖人取義之要作春秋習傳十五卷
以明聖人經世之志著左氏傳補註十卷師說三卷以為
學者求端用力之階其於易經作序卦圖說及經文開端

乾坤屯三卦。稱東山先生。

陳謨字一德。江西太和人。國初徵議。禮屢應聘。為江廣試官。宋濂等交荐。為國子師。不受職。病歸。著有經書會通。詩經演疏。及海桑集。世稱海桑先生。又吳人周南老。議郊祀。禮放歸。

俞希魯。元茂才。歷永康令。明初徵問政教之要。以曠辭歸。

所著有聽雨集。

論曰。國初往。以庶人往。後之義。入。參議。禮考文之職。碩難。以北面屈之。九人中。廉夫之學更大。以五論論平。江成敗。順逆之故。老婦有詞。白雲有歌。歸全有記。樂天。

知命出處較然。可為合道者矣。時東山先生之致知未
審。與王新建同異。然其論時弊恰中。專求放心。或亦不
誣。劉子之知幾謝官。徐大年之長于本末。王恭之斧柯
無恙。汪克寬之環谷著書。梁寅之隱居教授。皆著述巨
手。而中懷不降。不辱之義。非但以丘壑自了者。至於陳
謨。稱海衆先生。則明以感運為名。而不犯時忌。始知明
識字。不以筆墨在人。希魯以贖辭。暗於擇君。莫寧贖。或

宣岳曾道源

宣岳字彥昭，荆江浦江人。元末，判平陽，所需家致之。有儒
生者，獲直其訟，畫菜一本獻之。謝曰：領子意足矣。菜不敢
受也。改判溫州總管府，賊破城，被縛，欲殺之。民爭為乞命，
得免。歸，卧孫井山。國初，召起官之，辭疾不受。已為姻家所
連，被逮獄死。

魯道源，名洲，以字行，荆江寧安人。元進士，丞華亭。以亂，棄
官，與刘基善。同基觀乾象湖中，基荐，召赴金陵，辭不受。爵
太祖怒，命與數人並擢草庭中，諸就廕，道源寧暴烈日中，
不遷。假太祖使人探知之，曰：虫遣之去。貧不能朝夕，訓塾

終其身。

論曰。彥昭道源。寧被罪辱以死。曰。非吾家菜也。曰。是他家草也。

[Faint vertical text, likely bleed-through from the reverse side of the page, including characters like '終其身', '論曰', '彥昭', '道源', '寧被', '罪辱', '以死', '曰', '非', '吾', '家', '菜', '也', '曰', '是', '他', '家', '草', '也']

葉顯葉儀葉允金信吳海杜瓊揚恒徐舫周良卿林

清

葉顯吳縣人初以游學与耿炳文善為元和靖書院山長
後炳文貴鎮長興顯避乱往依之炳文欲荐試用辭曰時
去勢違徒取辱耳卒不出

葉儀字景翰浙金華人國初城下召為五經師以老病辭
隱居養親所著有羣經指要讀詩記學庸蕪漸柏軒集世
称純孝先生吳況嘗云儀理明識精一介不苟

葉允字良仲浙寧海人通經濟尤精天文地理卜筮之學
國初以布衣敵策太平有一綱三目策上奇其言欲苗用

之固辭上不强賜金幣歸里

金信浙蘭溪人國初以茂才舉不應隱金華之優游洞以

詩自娛學者稱為漫吟先生其友朱應辰詩文與篆籀皆

典古辟郡掌故命書符印不受職歸

吳海字朝宗福建閩縣人以學行稱元末絕意仕進貢師

秦輩咸嚴重之國初部使者荐于朝力辭不就嘗撫古人

盛德事名曰本命錄謂培其本而司命無權也又著書謂

楊墨佛老為六經之賊管商申韓為議道之賊遺事外傳

為史氏之賊支言蔓說為文章之賊統名書禍以尼山為

學者所歸自彌魯齊

杜瓊直隸吳人。父名玉，終身不言玉也。嘗割股愈母病。洪武中，下詔求賢。瓊辭不就。學者稱東原先生。卒，里人私謚淵孝。

楊恒字本初，浙江諸暨人。風采俊爽，以倡道為己任。國初，就浦江鄭氏觀家法。州牧葉鳳聘為學師，不就。鳳不得已，令閭右子弟，即其家問道。兼與論酌時宜。御史唐鐸辟不起。與宗濂友善，欲荐預國史局，聞不受州縣辟，乃止。

徐舫字方舟，浙江桐廬人。戴黃冠，披白鹿裘，高寄獨是。兼嫻球劍，工詩歌。行省秦政濬天爵，欲荐之，匿去。宛陵故人羅氏率五百指來避兵，輒衣食之，病為禱樂，死為殮殯。與

青田劉基友善。基與葉琛等奉旨應召，過桐廬，舫野服揖基于江上。基欲引之同出，笑而不答。語數侵基，遂匿不見。自稱滄江散人。

周良鄉，建康人，素有德行。世號三老。國初，大蒙禮遇，不受官，歸隱。

林清，前元侍郎林誌子也。元末，不仕，入明，變易姓名匿。吳之某寺，郡守甲偶審冊，即寺見而異之，以冊示，號八適用八音字，令為詩。清應聲曰：金紫何曾一掛懷。石田茅屋自天開。絲竿釣月江頭住。竹杖挑雲嶺上來。斲寔早收栽藥圃。土花香長讀書臺。草餘一點浮雲意。木筆題詩酒數杯。

郡守歎服。且嘉其艱貞。移日物色之。已脫屣去矣。

論曰。頤不愧元山長儀。養親為五經大義第一。允身隱而文見矣。信應辰海壇。恒皆不應徵召。願絕不作王賓。韓奕等負賤。驕人習氣。躬樂散人。良鄉附三老。清寄僧寮。以十一人學行醇美。盛世羽儀。去太祖嚴光論大不賞。其隱綸乃各令自遂。其志國初作人之法。以變用之。如此。

高明凌見心李徵臣

高明字則誠，永嘉人。登元至正四年進士，歷慶元路推官。以文行稱，方國真作亂，避鄞之櫟里，以詞曲自娛。因劉後村有死後是非誰管得，滿村聽唱蔡中郎之句，遂填詞琵琶劇本，以所善五四既顯，棄其妻，贅于太師不花家。作此以調琵琶字頭為五四，人呼牛為不花，故託之牛。太師云：太祖嘗遣使徵明，稱心者不，就使者凌命，上曰：朕聞其名，苦明無福，亦不强。明卒後，有以其填詞進，上曰：五經四書如五穀，民間不可少。此劇比珍羞，富貴家亦宜自覽，以義在忠孝也。明以冠百劇云。

後見心本名天淵能詩文仕前元為學士元亡逸去度為僧髯長尺許不薙上召見異之曰削髮除煩惱留鬚表丈夫上弗罪

李徵臣揚州人前元歷官翰林待詔洪武中不肯屈家屬盡累死成徵臣寧夏未樂初有丁學士為上寵重問誰薦學以徵臣對上召徵臣至京且官之曰徵臣于洪武時不受官今日義安得復受官願還行任上憐之遣還家對曰徵臣久無家願依吳中故人盛景華遂放去景華遺其子弟從學久之語景華行與子訣矣何以處我景華請殯之先人家旁佛曰殯以歸之也吾何歸景華曰請葬之先人

塚旁曰是矣握手逝

論曰高明心恙天淵髮除徵臣篤學明無戊申前元以
三人躋華簪奕世矣而獨以其傲張有明之寬仁

